

◎ 杭州圖書館

◎ 杭州圖書館

明詩綜卷七十

小長蘆 朱彝尊 錄

越來 徐如玉 緝評

吳惟英 二首

惟英字國華龔恭順侯爵有墨響齋集

靜志居詩話國華累葉珥貂風流獨擅崇禎中與鞏都尉永固竝留心圖史與諸朝士極文酒讌游之樂家有墨響齋摹拓金石文字裝池插架不減歐薛洪趙之富孫舍人國枚采其詩入燕都游覽志甚多其後都中大疫國華死爲冥官時降於室龔尚書孝升曹侍郎潔躬每述其遺事以爲可冀思董狐

西湖長隄

斜日長隄迴村煙接帝京路從溪外轉人在樹中行野  
草石橋短沙鷗春水輕回看游賞地晴色萬山明

明詩綜卷二一

蓮花菴

去年花外客今復到長隄淺水兼天闊新蒲與岸齊鐘  
傳高閣遠柳覆小橋低指點村煙起歸心促馬蹄

茅元儀 二首

元儀字止生歸安人崇禎初以薦授翰林院侍  
詔尋叅孫承宗軍務改授副總兵官守覺華島  
旋以兵譁論戍有西嶽又覘諸集

詩話止生宣力戎行富有撰述其論詩云今人與古人欲合當先離其言誠是特下筆未能醇雅蓋竟陵之派方盛又與友夏矜契宜其染素爲緇矣

感懷 二首

步出齊東門朝霞一何絢須臾晴作雨雨過雲光爛攬

轡登牛山感彼人代換樂此匪爽鳩豈獨雲霞幻君子  
於晚節志士慎初建

長途經一月宿館坐檀車有若作新婦三日不自如一  
朝得快馬奮迅凌雲衢肢體旣以適心神亦以愉解鞍  
造前驛路險馬復瘡欲騎苦無鞍翻復思篋輿謀生願  
難足已歎人有餘貧賤慕富貴富貴慕畋漁

葛一龍 七首

一龍字震甫吳縣人由貴生選授雲南布政司

理問有尺木齋等集

字本字云震甫詩傳誦吳市沈濯里牙  
還歸大雅沈子勺云震甫詩汪洋超

忽空自然覃思陳仲醇云

震甫詩以陶韋王孟爲宗

詩話包山林麓之勝甲於三吳而詩人產斯土者前有蔡孔目後有葛  
理問一時均有盛名讀其全集未免有楓落吳江之憾麻城劉同人序

明詩綜卷十

二

之比於反舌無聲之日鴉且不鳴之夜  
是亦微解也繼震甫起者有顧子起

初晴過孔先生園居得泥字

一雨百憂集新晴好杖藜偶從樵採去言訪石林棲屋  
角蜘蛛網簷牙燕子泥留懽自初日不道夕陽西

偶作

山中春雪消澗底寒泉響谷口無人行嶺頭明月上

張氏隱居

老臥空山裏窮交若箇存風吹春草長麋鹿到柴門

舟夜獨酌

吳江明月出照我烏程程酒酒盡無處沽明月空在手

東園村

曾聞東園公住此不復出年年開白花猶是漢初橋  
渡石湖

風攪帆陰亂法幢山懸檜影墮吳江白鷗慣聽橫塘曲  
來往翻飛自一雙

野橋懷郭聖僕

白板斜飛曲岸通朱欄照見綠波中故人別處猶堪憶  
楊柳西邊蓮葉東

趙舜舉一首

舜舉字虞臣蘭谿人工部郎中有日下秋聲

中元對客

京國中元日微風暑乍收鵲飛明月樹人汎洞簫舟且

明詩綜卷七十

三

喜深杯滿休嗟大火流孟蘭僧社近鐘鼓禱更籌

史能仁一首

能仁河南鹿邑舉人崇禎中知濟南新城縣事

調淄川遷兵部主事

王貽上云史公清正而才剛柔互用來  
爲縣令庚辰辛巳歲大校人多流亡時

邑境甘露降地生羊肚菜公  
賦詩以示百姓至今人誦之

新城示百姓

上天降甘露徧地生羊肚飢食羊肚菜渴飲甘露乳涕  
泣告吾民慎勿去鄉土

文震亨

詩話仁人之言  
博吉人之辭寡  
二首

震亨字啓美長洲人崇禎中官武英殿中書舍

人有文生小州

詩話啓美相君介弟名桂黨人之籍後以善琴供奉思陵跡其生平於閩則周章甫爲賦長歌於皖則阮集之爲作詩序王尚書覺斯有言湛持愛曉畏識而啓美浮沉金馬吟咏徜徉世無礙者由其處世固有道焉當時以善琴同入供奉者有太常寺丞雲南楊懷玉會稽伊爾發

次姚永言都諫左官詩

只此乾坤裏何方可即安江湖雖浩蕩涉履正艱難聖主垂春令孤臣保歲寒青山無限好莫近夕陽看

柳色

點染憑誰力東風著意吹自無攀折恨猶較淺深時金粉銷難盡樓臺遠更宜卷簾愁少婦望遠更成絲

徐電發云樓臺

遠更宜一語非工於畫者不能道

張世偉 二首

明詩綜卷七十

世偉字異度吳縣人萬曆壬子舉順天鄉試尋以賢良方正薦不就崇禎甲申贈翰林待詔有

自廣齋集

詩話異度籍甚詩名庸庸絕少高調

題画竹卷

淇澳紀衛風渭濱存漢官彼美君子德致用非一端何來託根非遂覺據地難或欲拔千條或須斬萬竿人情夫豈遠忌等當門蘭湫隘匪所宜根根株貴得完可以傾朝陽可以凌風湍無爲人所媿無爲物所干庶幾松柏朋相將保歲寒

居園即事

墻東堪避世，新卜野人居。巷隘難旋馬，池寬好種魚。閒情雲澹處，爽氣露零初。但解蓬蒿趣，窮愁可著書。

歸昌世 九首

昌世字文休，崑山人。崇禎末，以待詔徵不應，有

假菴詩艸

詩話歸熙甫長於筆而短於詩，讀季思文休作覺後來者勝。

秋懷 二首

壁蛩收殘音，哀蟬振餘響。圖書盈座隅，覽古歎其往。揚子千載知，鍾期並時賞。窮通非巧拙，徒爲增頰仰。不雨竹猶響，未露草先濕。齋空覺風來，石暝如人立。旅客有歸夢，柝驚夜何急。舉酒酌桂叢，言旋會將及。

明詩綵卷七十一

五

秋日懷獻之

小齋襟林木，前後任栖息。幽境靜裏過，秋光閒處得天。風動琴書澹，然白雲色思與故人共。惆悵空相憶。

偶成

出戶事如織，不若深閉關。只緣長貧賤，遂覺心神閒。有時靜看雲，目數飛鳥還。栽花旣云勞，灌畦亦孔艱。不有田園樂，何方駐衰顏。

叔父季思別業

性本耽幽寂，自然愛丘園。時復執道書，獨坐當南軒。清風池上來，有客閒叩門。共坐竹林語，蕭然酌一尊。隔溪聞犬吠，襟以樵者言。斜日返深巷，鳥雀林中喧。出門忽

自得緩步忘遠村歸途殊眇眇月白蘿陰繁

題古社圖

玄陰窮短晷淒風號北林伊人美無度高會愜我心願  
言振騷雅一返太古音斯意空千秋玄覽一何深高堂  
羅羣英前除鳴素琴含情同慨慷對酒不能斟紆鬱今  
古間曠焉發高吟久要意何許睇彼青山岑

偶成

無薪安用魚無魚亦廢薪漁樵俱川隱異業還共親儒  
墨更相嗤千載仇其人大道本坦坦岐之乃不仁衡門  
有閒士醉醒忘昏晨長嘯慨終古曠世皆吾鄰纍纍丘  
中子此理將安陳

明詩綜卷七十一

六

槎溪道中

蒼茫岐路色立馬一踟躕樹到高原合村臨大澤虛孤  
雲懸野鳥落日返樵漁數點青山外依稀是故廬

旅懷

亦有嵇康癖偏宜謝奕狂酒中遺往事夢裏失他鄉野  
曠雲開樹窗明月在牀扁舟生計好最苦夜猿長

劉孔和一首

孔和字節之長山人大學士鴻訓子有日損堂

詩集

王貽上云公子文章  
豪邁洞達詩尤奇恣

詩話節之豪士當寇陷京師破產結客起兵長白山中有衆三千人執  
偽縣令拘於軍旅聞王師破賊乃率衆南下駐軍河北以兵屬劉澤清  
澤清武人不知書既為藩鎮強作韻語示坐客節之懷慨言曰國家舉  
淮東千里付足下未聞北面發一矢而沾沾言詩詩即工何益國事劫

未必工邪澤清大志推案起坐皆震惱節之不爲動拂衣徐出澤清立連壯士二十輩追及舟中拉殺之時年三十一爾福藩逸授副總兵官節之已死三日矣其詩好壯硬語大約以孟郊邵謁爲宗

### 傷心吟

一日百痛哭天地不我容永隨光景夜願先萬物冬釀愁爲醇耐鑄憂爲劍鋒味漓刃亦摧憂愁無終窮

黃翼聖

九首

翼聖字子羽太倉人崇禎中辟授新都知縣升

安吉知州有蓮蕊居士詩選

錢受之云子羽詩如么絃哀玉自有天韻徐元歎

云子羽心匠經營與語卓絕陳言夏云先生弱冠時尚鍾鐔之學已而宦游簿書牒紙十戈戎馬之間發之於詩激昂磅礴無非忠君愛國勤勞王事之語說兼官歸里杜門謝客其詩哀而不傷怨而不亂有小雅之遺

### 寇警襟詩

三首

明詩綜卷七十

七

聖主勤焦勞盪寇屬元老專閫既歷年捷書苦弗早餘氛難遽消川峽復擾掠掠食日漸深鄰境多不保顧瞻斗大城捍禦悉艸艸伶仃茨簷下何處出牙爪殘毒旣已酷憤厲忽矯矯白面山澤臞擁之建旗旄彈力答衆心身名總非寶

荒縣數十家十年再罹厄嗟此鋒鏑餘寇耗復孔亟孤城寡所援羣計在竄匿顧惟封疆義招撫竭心畫割糶募壯士八口不遑惜大義一再伸呼一應者百人心自有良如鐵附磁石刑牛告穹蒼下令明勸激毋或貳乃心毋或靳乃力天則有雷霆吏則有斬馘妻孥甘共危僮容盡持戟以身爲衆先相期見勞績

兵氣動荒野黃雲黯城隅名義所共激辱民皆壯夫長  
鎗襟大棒角技繇有徒披氍當堅甲揭裙爲旌旗結聚  
各以類約束仍弗疎危樓圯雉間氣燄光四衢苦口相  
戒命各各念前車官民同賞僇殺賊勿踟躕

詩話賊兵臨新都崇禎庚辰十二月事也先是十月張獻忠渡昭河薄  
成都城中將士登陣以守遠近人民皆避難奔赴蜀莽衆鉅練糶莫辨  
從祖君永公諱大定通判成都請以蜀王所發米五百石爲粥以食餓  
者且潛茶其獸跡有可疑者以術羈靡之全活數萬計羣疑亦釋俄而  
寇猝至圍城公與布政使侯安國分守北門當賊衆來路於時文武將  
吏皆膽落公見城下一賊衣未衣騎馬巡軍用強弩射之其胄鋒然  
有聲謂安國曰賊雖多未及整可擊而走也乃同參將鄒鳴率壯士八  
十人出戰殺三人俘二人奪馬十疋入見巡按御史陳良謨提二賊頭  
顛血漉漉廳堂上御史大驚離席曰別駕相門子乃能殺賊可敬也是  
夜賊退屯柳溝瀆去城二十里而遙事定御史上戰功止及煮粥活民  
之勞而已此事長編野史  
俱不載錄子羽詩附記之

### 春夜宿草堂寺

明詩綜卷十

八

最愛臨江寺殘春始一行落花隨水汲亂竹過牆生雨  
帶新泉響燈搖古院清如何聽鐘後猶有未銷情

### 渝城度歲

風俗他鄉異巫歌達四鄰江明無月夜猿喚不眠人眷  
屬生兼死年光臘帶春客中艱一醉辜負物華新

### 村居襟興

三首

廿四番風取次來梅花落盡杏花開画梁無數空巢在  
社雨蕭蕭燕未回

休誇紅紫鬪芳菲開到荼蘼春已非  
取逐游蜂與舞蝶別尋一徑綠陰歸

閒花無數爛空庭別有黃金綴  
決明一自杜陵矜惜後

秋風秋雨獨關情

文介石廣文

自古思深責亦深更誰清夜細追尋官階最是青氈冷  
十載猶懸故主心

蔣臣二首

臣初名姬胤字子卿更今名字一个桐城人崇禎中舉賢良尋授戶部主事

詩話一个早見知於太倉二張注名復社其後崇禎北上為倪公玉汝所薦召對平臺甲申寇變閣道走淮陽依史公道鄰史公留參軍務一介歎曰以一騎凌將五狼其能久乎遂辭歸其詩雖多渾涵亦自蕭散

劉憲石招遊虎丘奉答

山川猶昨日金虎氣全凋萬事蹉跎盡千秋涕淚遙寒

明詩綜卷十

九

蟹依画舫歌柳臥平橋勝地欣相見何年復此宵

庚辰秋杪客清湖所期不至拈壁間韻

榛蕪悲故國垂老更無家寄墨如新燕為園學浣花苔  
痕深没屐菜甲淺含沙即此堪終隱人生會有涯

吳日景一首

日景字函三桐城人崇禎中中書舍人有世儀

堂集

拜墓

白下僑居久身心亦漸安祇因霜露感不憚往來難  
臘丁年改流離丙舍寬傷心無限淚忍向寢門乾

王廷宰二首

廷宰字毘翁號鹿柴松江華亭人補嘉興縣學生以貢任六安儒學教諭遷沅江知縣有緯蕭齋集

詩話鹿柴先生占籍嘉興注名篤水詩社乙酉之春遇余外舅馮翁小飲余陪末坐忽問曰曾學詩否對曰未也先生乃言曰詩有一學而能者有終身學之而不能者洵有別才馮余問學詩何從曰試作對句酒至先生舉古人名俾屬對偶記憶顧野王對沈田子鄭虎臣對沈麟士蔡興宗對崔慰祖蕭子雲對任伯兩魏知古對顏相時吉中孚對溫大有揚完者對晁補之杜審言對蕭穎士賈師泰對齊履謙任繁奴對張惡子金安上對鄭居中劉辰翁對逢丑父韓擇木對李栖筠蔡有鄰對徐無黨二嚴叟對阮佃夫李思齊對石作蜀柳三變對張九成鄭櫻桃對鄂乃藥王僧錡對馬仙理秘彭祖對庾黔婁劉方平對徐圓朗劉仁本對范道根先生見余應對之不窮也語馮翁曰此將來必以詩名世其取材博矣自遭變亂不復見先生并不復見先生之詩僅從社草中錄其一二回思知己之言是亦蒙之李邕王翰也

鄴園

置酒娛清夜西園鶯華穀素月升澄景微露泣佳木灼

明詩錄卷十

十

灼芙蓉姿臨波漾輕縠四顧命賓朋灑藻競豐縟感彼蟋蟀篇勞生何局促鼎鼎百年內歡樂苦不足列坐進芳醴彈箏弄纖曲霓旌遠層阿鳳吹流深谷遨遊及良時庶以快所欲

送高明水工部營桂府於衡州

楚塞衡陽壯姬公叔父尊三湘疏地脉一柱表天門桐葉圭初剪蘭臺賦尚存聖朝寬物力採權亦須論

徐時勉 三首

時勉字克勤蘇州嘉定人崇禎庚辰以貢生特

用知澄城縣事有蘧菴東歸橐

歸元蔡云克勤詩蕭然開曠有陸放翁之風

詩話崇禎庚辰思陵留意人材俾下第舉人及廷試貢士俱留特用悉畀以民社之任於是舉人史博以下一百六十三人貢士吳康侯以下

一百人許同進士出身得等請援例謁文廟行釋菜禮并立石太學題名閣臣張四知持不可思陵特允俾所請大學士周延儒奉勅撰文太僕寺少卿兼翰林院侍書朱國詔奉勅書丹篆額工部營繕司郎中王顯監刻立石於西南隅蓋自萬曆丙辰錢士升榜至魏藻德榜九科有題名而無記及是始有記焉特用榜死事者戶部郎中金埜徐有聲兵部員外郎升貴州安平道副使臨川曾益金滄道叅議寶雜楊畏知開封河南按察副使安邑李貞任汾陽知縣西安山陽劉必達大同山陰知縣慶陽衛李偉鞏昌安定知縣臨海應昌士四川興文知縣漢陽艾吾鼎呈貢知縣鍾祥黃卷立賢無方未嘗不收國士之報克勤復社者宿注名特用榜中與陳孝廉瑞歸處士並救高尚之節亦不媿是科者符金瓊人官至九江太守野史擬錄餘隸紀者即其人也

### 種柳和白香山

樹木十年事吾衰計轉忙小莊疎竹外處處插垂楊  
藂短初成帚身高欲過牆年逾三五後遮莫暑風涼

### 上元日憶鄧尉光福諸山

東風殘臘早探支改歲尋春較客遲老興恰當全嬾日

明詩綜卷五十一

十一

梅花又過半開時雪消最愛西山路頭白重吟東閣詩  
拄杖籃輿迷望處年年搖蕩看燈期

### 荷亭

輕風不送市塵塵出水芙蓉面面新莫道老年心易足  
還思兩槩蕩舟人

吳德操

一首

德操字鑑在桐城人由諸生仕至大理寺丞有

北征草過江集

### 秋興

莆田七月海風秋誰到江東寫我憂露冷芙蓉王儉幕  
書藏夾漈鄭樵樓卜居未有安危信行路方知出入愁

笑指雙星河漢闊明朝未必渡牽牛

浦羲升一首

羲升字朗公無錫人補常熟縣學生崇禎辛未  
由歲貢生除海寧儒學訓導有赤霞集

石城

挂席秋江上涼生薜荔衣雨聲蘆葉偃風色浪花飛方  
度龍潭驛隨過燕子磯石頭城下泊坐對月霏微

徐同貞一首

同貞字伯固一字乾行海鹽人承父從治蔭襲  
錦衣衛百戶歷官都指揮同知

寒食郊行

明詩綜卷十七

五

二月春寒未減衣嫩晴天氣日熹微桃花落盡水初漲  
燕子來時筍正肥林外酒人浮白去莎邊游女蹋青歸  
却嫌輸與東京路尚欠郊原綵索飛

丘上儀一首

上儀字維正武進人由武科進士官海鹽衛遊  
擊經亂隱居紫雲山

詩話維正武人恂恂若文士雅歌高會酒酣間一賦詩其居官甚廉或  
告之曰將者知信仁勇嚴不聞以廉取一介亦何傷維正笑弗答也晚  
躬耕紫雲山麓有盜劫行舟維正毅擊射之百步外中其目盜乃遁舟  
人造謝不見又嘗負薪三百斤行山中汛兵欲奪之盡爲所縛兵乞哀  
縱之去龍山祝着老集隱君子十四人計其高盈千齡  
目曰千齡社維正與焉席上詩成以維正爲擅場云

千齡社集詩

孤村冒雨墊綸巾一櫂衝寒破水淪自是素心堪共侶

好將末俗使還淳  
藏身曾學姚平仲  
招隱誰呼祁孔賓  
良會詎應誇競病  
舉杯且盡甕頭春

嚴焯二首

焯字伯玉嘗熟人文靖公訥之孫有滄浪集

山草

詩話伯玉始爲祁陽王客繼入何雲從瞿起田幕中晚移家隱粵西獵人洞其妾鄒淑芳字曰蕙祺吳江人能詩從伯玉入楚轉徙蒼梧年二十四而夭有詩百五十首題曰三生石草句如洗手自憐十擘指甲何因入長雨三分玉簫舊譜回文句瑤瑟新絃續命絲趙瑟欲調無奈嫩楚腰先細不堪愁皆婉約可誦至生日詩云笑采秋花對香酒還愁薄令不禁霜則成韻矣淑芳詩病草自焚此伯玉所記憶者淑芳墓在端州伯玉省母曾一選里門晚仍入獵人洞不知所終

秋日過萬里橋見朱雲子寄詩因憶舊事悵然有

作

明詩綜卷十

五

寥落天南雁淒涼見素書故人千里外舊事十年餘壯志愁銷盡閒情賦久虛不知憔悴者錦瑟意何如

自注雲子寄詩

有舊恨青衫上新詞錦瑟傍之句

過清溪驛和題壁韻

風塵天下滿此地尚煙霞叢篠臨江偃寒花倚石斜輕雲歸暮嶺落日戀平沙何限河山意凜西又寄家

戴重九首

重字敬夫和州人由貢生除湖州府推官有河

村集

劉伯宗云敬夫詩學杜少陵未嘗作唐以後語黎美周云敬夫詩磊落磊落若鶴警高松吟潭水張爾公云敬夫詩感

時風俗爲多以視西臺陶哭異世同揆

宿店

雞號扉客披衣客莫起有風雨店家驢馬官牽去明朝  
御史來行部

五月五日

蚤讀離騷經無哀自流涕今乃招其魂折花臨水祭忠  
信衆所疑君臣道日替九門未可通九州其何濟橫江  
張水嬉子女肆妖麗俗歡移古悲羣狂重吾疾但聞鶻  
鵝鳴延望南山霽

泊鎮江口

病髮搔皆落長衾擁之餘明星入江艇濁酒出州廬  
海間虧引水河說梗儲舟喧愁不睡呼火讀方書

烏江項廟

明詩綜卷七十

七

夕陽雙雀廟孤艇繫烏江病葉風相戰寒潮夜不降  
劍留蛇瘞井轡絕馬號椿如此千秋恨霜鐘儘客撞

烈山舟中

江火燒茶白山雲曳布帆櫓搖紅荻澀網挂白魚饒  
淮麥炊難輒吳鹽獸不鹹家人同汎汎十載一黃衫

半箇山

谷口三叉路人家半箇山驅將豪犬出呼使角鷹還  
去此歲未久傷哉邨已艱偶爲先友卜松柏水潺湲

濠梁

布衣多難客他鄉結客千金計渺茫萬卷讀書悔癡絕  
十年磨劍拚徻狂清天鴻鴈月千里白露蒹葭水一方

不得故人書半紙秋殘懷抱極淒涼

陶隱居丹井

華陽舊井石泉清猶記山中宰相名  
賸有丹成堪辟穀不曾一粒餉臺城

春燈歌

年年人日到長干取次看燈不忍看  
十四樓邊新月夜銀箏小袖歇春寒

王時敏一首

時敏字遜之太倉州人太傅錫爵孫承祖蔭官尚寶司丞有西廬遺藁

西田感興

明詩綜卷七十一

苗

自媿平生百不能桑榆息影倚枯藤  
微茫暝樹孤村杵明滅漁舟遠激燈  
往事淒涼難再說新愁襍沓最無憑  
况今禾黍淹淫雨白日秋來見未曾

申續芳一首

續芳字孝觀太師時行之孫承蔭中書科中書舍人有玄閣閣詩草

山中樂

山中之樂樂何如莫樂朱明孟夏初  
竹長雞頭新粉落籬編鹿眼晚花疎  
提壺勸酒村村鳥積雪縹絲處處車  
最愛田田小荷葉呼童量水種紅魚

詩話舍人山中樂四時皆有之而夏日一首有醅無疵

汪珂玉 一首

珂玉字玉水徽州人僑居嘉興崇禎中官山東鹽運使判官

詩話玉水不卑小官留心著述所輯珊瑚網一編與吳下張青父品題並駕惜乎詩艸甚富泯焉無存

題孟蜀宮妓圖用唐子畏韻

芙蓉城裏試仙衣詩酒留連坐式微莫恨李家降表熟  
君王原愛著朝緋

李自明 一首

自明字先脩嘉興人以歲貢除揚州訓導城破  
死於官有謫仙居槩

覽輝樓

明詩綜卷七

五

雨後驚濤響石磯望中煙樹轉霏微湘江直北陽臺路  
舊日行雲何處飛

林徵材 一首

徵材字魯生連江人以例貢授藩幕

重過田公園

門巷春深碧艸齊花枝大半委黃泥林鶯認得尊前客  
依舊飛來恰恰啼

許正蒙 一首

正蒙字聖初歙人官中書有酉陽近藁

舟經橫塘憶桐江舊游

輕舟何搖搖來自青谿曲層崖落深翠新波湛空綠我

家漸水東一川接天目對此頗相似殊令幽思足將攜  
素心人共著桐君錄

陳紹英一首

紹英字生甫仁和人承蔭仕至貴州按察副使  
有五石居詩草

吳宮詞

茵茵花香一水流吳姬歌蕩木蘭舟梧桐秋色關何事  
長遣君王對樹愁

蔣茂一首

茂字鄧林嘉善人由監生官文華殿中書

初夏

明詩綜卷七十一

末

水沉煙裊翠參差永晝窺簾燕語遲簇簇桐花飛不已  
鷓鴣啼過白蘋池

陳濟生一首

濟生字皇士長洲人官太僕寺丞

詩話皇士經亂歸田緝啓禎兩朝遺詩又命工傳寫明三百年來忠臣  
義士象裝以為冊可稱好事矣惜其詩鏤板未終而象亦為蠹魚所蝕  
覽觀者惜焉

秋山和貫休韻

秋來祇是入山宜坐到泉聲幽咽時清淚欲零誰許見  
峰頭惟有老猿知

李士標一首

士標字霞舉嘉興人以縣學生選入國子監除

上林苑署丞遷寧海州同知有蒼雪齋詩存

江行即事

渚鷗一一泛春聲  
江面煙消萬里平  
花月故臨楊子渡  
布帆無恙潤州城  
蒼茫曉色迷鴻鴈  
欵乃歌聲怨杜蘅  
放眼正愁煙水闊  
亂山天際忽縱橫

彭堯諭一首

堯諭字君宣商丘人南昌通判有西園公子集

過徐州見賊營

旅魂何日定間道走彭城  
路側人煙斷山頭賊火明  
鼓鼙連客舫涕泗失歸程  
親見河東岸妖氛奪漢營

陳洪綬一首

明詩錄卷十

洪綬字章侯諸暨人國子監生

七

詩話章侯四齡就婦翁家見新壁登案畫漢前將軍關侯象長八九尺翁見下拜遂以室奉侯蓋繪事本天縱也崇禎間與北平崔青朔齊名號南陳北崔中年縱酒狎妓自放客有求畫者罄折至恭勿與及酒邊名妓輒自索筆墨雖小夫穉子徵索無弗應晚迹服僧衣自稱老蓮亦稱悔邊亦稱老蓮有妾吳淨慧亦善花草錢塘馮秀才覘祥詩云吳興公子工花竹侍制丹青步結廬三百年來陳待詔調鉛殺粉繼前入余每觀其真蹟所畫美女姚冶絕倫今則贖本紛紛多係其徒嚴水子山子司馬子雨輩所做率皆蓬蔕成施矣詩頗饒逸致惜流傳者寡桃花馬上絕亡友海

盛教諭全書所誦也

贈伎董飛仙

桃花馬上董飛仙  
自擘生綃乞畫蓮  
好事日多還記得  
庚申三月岳墳前

黃孔昭一首

孔昭字含美吳縣人舉崇禎癸酉鄉試選授大

姚知縣有石衣翁南歸州

詩話含美一命投荒仇離天未已不作歸田之夢其子向堅端木有懷  
二人眼枯足踏踏白刃等之卒衛以全歸吳中好事者編為傳奇演之  
春秋之社南歸州一卷成於愴怛做援之中無暇持擇觀其紀述恒有  
野史所未詳者若夏夏呈貢之死義是已夏諱祖訓字仲有秀水學生以  
歲貢除知呈貢縣事含美稱其起義師失利一城屠戮殆盡知縣被刑  
最慘則余鄉黨多未之聞含美有詩哀之此直亟發其幽光者也夏君  
與先太傅鍾秀坊舊宅望衡而居入門一徑繞至水榭余童子時從先  
子造君復聞講論畫又書卷恍然在目鄰有死封疆之臣老矣讀含美  
略庶後世有述焉

哀夏呈貢祖訓

夏君一命均奉檄入荒徼合并五華寺杯酒共吟眺丈  
夫慨以慷風雲坐談笑何期受重圍一死臣節效吏無  
黃犢賣路有青蠅弔碧血何處藏寒原走殘燒

劉思祖 一首

明詩歸卷十

大

思祖字長孫永嘉人官江西叅將

汪魯望孝廉軒

誅茅託林棲結志在玄賞芳蕙歇春華涼颺薦秋爽鳴  
琴向寥廓長嘯散蒼葍明月揚素輝疎篁發清響尊中  
幸不空方外恣獨往偶坐興未闌還思權煙榜

朱茂時 五首

先世父子葵萬曆中補秀水縣學生承蔭官

至貴陽知府有咸春堂遺藁

詩話城南放鶴洲相傳為唐相裴休別業名曰裴魚然考新舊唐書俱  
不言休流寓吳下至元嘉禾志弘正間儀真柳球府志來陽子鳳階補  
志亦未之載或曰南渡初禮部郎中朱敦儒營之以為墅洲名其所題  
雖不見地志觀樵歌一編多在吾鄉所作此說近是世父拓地百畝自  
鑿之田有堂有亭有橋有船有岡有榭有庖有福穰樹花果瓜瓞芋區  
菜圃廡所不具陳少詹鑑典為作記董尚書其昌為書扁李少卿日華

為寫圖後先賜咏者題壁淋漓今則大樹飄零高臺無没止存敗柳斷橋而已

### 鶴洲夜歸

秋月清於水孤舟放鶴歸不知荷葉露風卷上人衣

### 黔中曲

三首

疊嶂曾無三尺平盤江狹處鐵橋橫短裙窄袖花蠻女

宛在鞦韆索上行

地無三尺平黔中諺也盤江鐵索橋行者動搖而蠻女不懼

土風不改古牂牁銅鼓迎神蹋足歌一種黔南水西鬼

黑羅羅笑白羅羅

白羅羅比黑羅羅更剽險難制

高髻纏髻一尺長淺藍褰子趁時妝一春遠信雞難卜

暗祝心期拜竹王

黔女梳髻褲以馬髻更尚淺藍色

### 荏平道中

### 明詩錄卷五

尤

殘星數點照人行撲面涼沙惹去程回首鵲華山盡失

又騎羸馬過荏平

朱茂昭

一首

先叔行第三字子藻天啓初補秀水縣學生承

### 蔭官都察院照磨

詩話先叔柳下和光長卿善病營宅於真如寺西夾岸紫藤萬蔭寒玉當春梅放不減鄧尉西溪四方名彥爭過為文字之飲去世父鶴洲不遠游者比之

何家大小山

楊明府龍友以山水画扇見寄并訂游吳之約以

### 詩代答

楊君黔州客愛寫吳下山沙中羣雁起天末孤雲還橘  
袖經冬樹楊梅銷夏灣扁舟何日共吹笛到吳關

范長倩云全詩

清越

明詩綜卷七十

二二二

明詩綜卷七十

三

杭州圖書館

明詩綜卷七十

明詩綜卷七十一

小長蘆 朱蘂尊 錄

歙州 汪立名 緝評

陳繼儒 三首

繼儒字仲醇松江華亭人有着公全集

靜志居詩話仲醇以處士虛聲傾動朝野守令之臧否由夫片言詩文之佳惡冀其一顧市骨董者如赴畢良史推場品書畫者必求張懷瓘估價肘有兔園之冊門闌鸞羽之車時無英雄互相矜飾甚至吳綾越布皆被其名寔妾餅師爭呼其字今遺集具在未免名不副其實焉

月下登金山

江平秋萬里山靜月三更彷彿寒烟外瓜洲有鴈聲

春日訪殷東臬

櫻桃花開春可憐何處游人不放船却羨白頭殷處士

明詩綜卷七十一

鵝鳩聲裏獨耕田

山居雜詩

青草湖邊白石西竹籬茆屋酒帘低飛來飛去雙黃鳥  
不到濃陰不肯啼

王 留一首

留字亦房吳人穉登子

淮北道中

沙灘高下浴鳧鷺新出菰蒲綠未齊移橘過淮應化枳  
種楊當路半生稊船頭鼓角頻逢驛河上金錢浪築堤  
醉後無端千里夢直隨明月到深閨

茅 維一首

維字孝若歸安人有菰園集

屠緯具云孝若天才絕高於體靡所不合陳仲醇

云孝若詩韻秀清華絕無累句梅李豹云孝若陶鑄古人筆琢白磨情旨諧暢

### 早秋寄允兆

秋風難作客匹馬欲南歸隴塞黃雲合江淮紅葉稀干戈愁獨卧鄉國夢全非已卜刀鐔約滄洲可拂衣

盧原一首

### 原字原甫南海人有五湖游草

甘露寺望金焦

北固山頭寺崔嵬瞰大江縱無甘露下應有毒龍降陳迹羊爲石新雜燕入牕望來浮玉近遙對碧峰雙

卜舜年四首

### 明詩綜卷七十一

二

舜年字孟碩吳江人嘉興縣學生有綠曉齋集

詩話孟碩家居盛澤幼赴嘉興童子試時安福額欲章知縣事亟實其文拔置第一遂補諸生讀書東塔寺尋游陳仲醇之門員才傲世恒衣茜衣入市題其門曰鄉人皆慕國士無雙惟與同里張汝培端甫結契時相和酬孟碩既失意坎壞不平仿屈平楚辭作滔滔章假帝誥河伯之文有曰東懸滯汜兮南絡沅湘黑者錯白兮弱者開強吳既淪於入坎兮害乃基於劉林跑商羊之牙舞兮又安觀儀鳳之踏踏因帝心之欣禍兮亦今俗之舛舛又聞杜松劉挺二將喪師張長謠千餘言以詬楊錫年居好給客客至必留坐是奇窮或三日不舉終不乞米於人也詩尚崛奇間有合律者

### 邨社迎神曲

旦旭兮瞳矇神鴉起兮雲中沐予髮於蘭湯兮振予衣於蕙風潔齋俟兮土公公不來兮勞心忡忡

黃浦晚度

殘照收黃浦孤舟何處依沙昏秋鴈落潮滿夜漁歸薄

海山川曠前途廬舍稀帆輕天路近直與鶴俱飛

冬夜垂虹橋

卸馬垂虹畔深宵感慨增橋明霜正下江遠月初升吏  
醉城無柝僧歸塔有燈王風京路阻欲詠媿無能

湖上送別

西風奮枯林潮沸盛湖晚淚眼對殘陽看君行漸遠

姚士彝一首

士彝字叔祥海鹽人國子監生有蒙吉堂詩集

薛潤孃七夕生日

生逢烏鵲渡河秋乞巧今番免上樓莫訝眼邊多俗物  
天孫亦祇嫁牽牛

明詩綜卷十一

三

邢昉三首

昉字孟貞高淳人崇禎諸生有石臼集

陳伯璣云孟貞詩無

一賜懷語讀之令人增感

聞亡女訃寄內

垂老常嗟別書傳江漢稀青鬢憐弱息秋草忽同歸多  
病愁難共還家興轉微尚餘殘淚在相對灑牛衣

月

偶聽烏啼漏未殘小池冰合夜深寒最憐一片霜天月  
已是離家十度看

口號

蜀江船不到三巴湖南船不到長沙滿地干戈關塞裏

行人那不早還家

張 屈二首

屈宇醒公長洲人處士鄉里私謚貞節先生有

醒公詩集

邢孟貞云醒公詩高寒類孟東野幽渺過之讀之使人  
不懼 金孝章云醒公汲幽梯峻返之冲澹香夷不可

物方

山居懷金文裕

江光映林際纖月微微落冥冥靜夜鐘沉沉響深閣言  
念君子交於道信不薄空谷常感懷終不我離索

弔古

弔古不疾哭欲哭聲已吞嘗膽吾自苦對世不敢言中  
夜望星斗失序何足論至人竭精力能使移崑崙夏月

明詩綜卷十一

四

落天霜方報君子恩

邵昇遠 一首

昇遠字

松江華亭人

田家樂爲陳孟言賦

香稻收花穗已齊幽棲渾似灑東西萬竿修竹千叢菊  
十角黃牛五母雞婦起炊糜朝出盭客來留榻夜分題  
橙黃蟹紫新醅熟日日何妨醉似泥

沈弘之一首

弘之字茂之蘇州嘉定人有清溪草堂詩彙

李本

寧云茂之近體含蓄  
不露得唐人之遺風

濟寧舟中望月憶家

野曠天連水登艫四望寬家逾千里隔月訝兩回看客  
裏光相對閨中影自寒郵籤計程速定已夢長安

施

武

十三首

武字魯孫別字百靈長洲人崇禎間游于滇有  
楚游草西覽篇

詩話魯孫孝子佯狂亂世善草書鄭孝廉士敬謂曰君書直逼二王不  
雜唐宋以下筆法魯孫大喜於同人廣坐中徧題爰扇呼士敬曰君頗  
知書吾書究誰似士敬謬曰今日書不見住魯孫睦日左右視擲筆而  
去嘗語人曰吾於詩極力摹擬古人僅可雜之王仲初集中耳今吳人  
罕有知之者處士金侃亦陶載其豪傑候官曹能始  
墨筆點定子丞錄十三首滇黔風景可得其大槩焉

烏雅關

朝上烏雅關暮下烏雅關老烏啼啞啞行人還未還

關索嶺

明詩錄卷十一

五

高嶺呼將軍將軍祀其上行人仰望時白雲隔千丈

相見坡

上坡面在山下坡山在面相見令人愁不如不相見

鳳羽詞

鳳羽  
山名

鳳羽低連鄧睽川山頭流水屋邊田額尖新樣姑姑帽

五月羊皮帶汗穿

鄧睽詒名姑姑帽滇人皆  
以羊皮繫額寒暑皆披

街子詞

滇中以作市曰街子  
逢辰亥戌未日為期

豬街纒罷又龍街蠻女牽羊入市來背上擔兒嘗慣負

胭脂落盡小桃開

土官出山詞

土官唯參調官長始冠帶  
居常但用卑級青布裹頭

嗚嗚牛角滿山陂腰下橫刀弩箭隨雜部椎頭皆束帛

阜綾纏額長官司

煮鹽詞

滇中鹽井四唯黑白二井課稅甚多餘不及焉

使君不及鬱林廉舊例逡巡新例添白井爭如黑井好一斤水煮半斤鹽

出獵詞

秋高出獵草根枯漫縱韓盧不用呼新襲土官誇武健側身馬上獲雙狐

歸化詞

滇中山茶天下第一唯歸化寺者其本合抱花大如玉國初已前物也迨來宦游羈客留別文好至此莫不墮淚

鴛鴦夢斷綵樓空馬首蕭蕭故向東歸化寺前多少淚年年三月蜀茶紅

麗江詞

麗江府即古峯國地也地寒五穀希少惟產良金毛布之類方伯用貢金必索其直從來直指公皆不按其地聽之而已人皆

明詩綜卷七十一

六

耳上貫環好衣紅與西域相類

麗江水繞雪山寒郡縣羈縻異國看千里羅夢地名無貢賦黃金有價不輸官

永昌詞

永昌古哀牢國也國初流配獨多吳人故語言風俗宛似南都為滇之首郡

漢武窮邊開永昌哀牢部落散丁當流人不學花蠻語城郭風烟半建康

寶井詞

寶井在姚關萬里外非容易至販寶者止于緬中交易緬中多瘴癘除三冬與初春通夷者不敢出

緬中花落滿蠻山千兩鴉青馬上還寒食雨飛防瘴癘漢人不敢出姚關

鴉青寶名時適有是寶重一兩三錢價三十貫

賣雪詞

大理蒼山雪六月不化市上女郎賣之猶吳下之賣水也

雙龍關裏百花香銀海透迤迤抱點蒼六月街頭教賣雪

行人錯認是瓊漿

鄒 二首

潯字中朗秀水人縣學生

江行望廬山作

亦知山有寺咫尺見雲封瀑布千尋水香爐何處峰向  
晴微見樹卓午詎聞鐘來往驅塵事深悲負短筇

武陵

仙源應不記年華洞口今開幾樹花若使重來津可問  
扁舟我亦願移家

卓人月 二首

人月字珂月仁和人貢生有蕊淵集

明詩綜卷十一

詩話珂月才情橫溢所撰續千文  
穩帖而奇肆詩亦不為格律所拘

泊烏鎮不寐作

逆風逗歸期今夕寄淺港月出人不知閉戶若嬴蚌遠  
寺燈微明未罷老僧講良久喔喔聲荒雞引其項

贈女鬟紅衣

石家醋醋喜穿緋裹手擎觴率意飛坐上恨無姜石帚  
長歌一曲惜紅衣

華 三首

淑字聞修無錫人

雜詩

斲木爲車其半爲輪車自招搖輪何苦辛

洞庭西山

圓湖比滿月青山猶挂影晴陰網輕瀾深翠積遙嶺滢  
洄柔櫓前如魚狎藻荇戀彼楓袖香丹黃點妍靚終期  
宅此居一樓一舴艋舴舋石公遙樓當銷夏冷竹木侍  
巾裾烟霞開簿領

消夏灣

平湖添一曲風色遂全幽晴泛亦疑雨山居猶在舟橘  
橙垂戶戶菱芡聚洲洲不信偏宜夏暄涼儘可游

林雲鳳

三首

雲鳳字若撫長洲人

詩話若撫當鍾譚鐵張之日守正不回詩篇極其繁  
富惜知者寥寥困既終老相如遺草已不可問矣

明詩綜卷七十一

八

行路難

上客且莫餐聽歌行路難如茶知味苦食梅知味酸蜜  
中亦有螫棘中亦有蘭人情反覆君自看泣者未必感  
笑者未必歡曲如羊腸鬱以盤令我喟然摧肺肝

韓淮陰廟

韓侯遺廟在過客不勝悲未請真王印先收大將旗功  
忘百戰後恩報一餐時何似清淮上終身把釣絲

憂邊

絲綸閣下議東征爲遣元戎出大明邊月曉懸弓劍影  
朔風秋散鼓鼙聲滄溟萬里波臣國紫塞三千浪子兵  
奏凱未聞糧援絕不知平壤幾時平

項真一首

真字不損秀水儒學生貢入國子監有西湖草

詩話不損以才自豪兼綜今古文深爲李長蘅開子將所賞有御史  
摺按至浙試士于文經書發題外俾作一詩題是賦得多兩紅榴折不  
損書法絕倫以行草縱筆寫之同學慮御史必怒咸爲不損危而御史  
竟拔置第一益自負僅覓不羈入修門坐事瘕死于獄子嘗見其爲閩  
人銘梳奮曰人之有髮旦旦思理有身有心奚不  
如是筆法極其飛舞釋其語殆亦非真狂生也

社集分賦得竹林

入林非任誕懷抱良有託把臂愜同志痛飲戀狂藥修  
竹何蕭蕭微風籜已落故叢擢纖枝碧影墮杯勺盤桓  
不能去嘯詠或間作管絃非所好况乃靈囂号仰視飛  
鳥翔醉眼空寥廓契此考槃趣謝彼影纓縛寄語道翁  
子沉冥與爾各

明詩綜卷五十一

九

謝夢連

三首

夢連字孟草長洲人有遺詩

陳玉立云孟草詩使事必  
穩標韻必諧 金孝章云

孟草遠絕時調詩以自  
然爲宗不失唐人風韻

送友人游天台

細雨蘼蕪綠扁舟渡若邪春流飛竹箭暮靄隔桃花佞  
佛何妨酒游仙莫問家儻憐人外癖分我赤城霞

治平寺寓友人攜酒見訪

吾友攜尊至開門黃葉深斷雲孤岫冷斜日半湖陰獨  
往無千古相期有寸心行行難以別明月在長林

秋夜

木葉始微脫庭空蔭薜蘿誰云秋氣慘我愛夜涼多林

逗纖纖月雲浮澹澹河坐深人境寂新鴈一聲過

何大成 一首

大成字君立嘗熟人

抵夔州覓少陵草堂

成都草堂今若何且向西瀼飽經過亂山不斷烟雨色  
匹馬時聽巴渝歌峽中長年布帆穩驛路官長油衣多  
吳趨老人真好事貪訪遺跡空蹉跎

邵濂 一首

濂字茂齊嘗熟縣學生

馮已蒼云邵君詩清曠玄澹

雨

終日雨如絲連山芳草碧庭際孤雲屯遙村暮烟積野

明詩綜卷十一

十

渡行人稀圓沙一鷗白寂寞想晤言誰破蒼苔跡

屠應韶 一首

應韶字韶甫秀水人有松吟草

贈歌童

弱質偏姚冶清歌意獨新未須聞別調梁上已飛塵

李翹 二首

翹字時實松江華亭人有樵雲居橐

感遇

幽蘭出深谷冰雪揚芬芳夭桃得春風榮華耀朝陽萬  
物各有時盛衰詎可量君子重制行通塞夫何傷對此  
遲日嘉且進花前觴

寓言

松柏有萬籬生死相依附柔弱不自持垂垂百尺樹草木匪金石榮華寧久駐摧折非所期飄零更誰顧

丘 遂 一首

遂字叔遂嘉善人初為僧字凡可中年以口舌忤鄉里貴人反儒服補縣學生有丘叔遂詩草

江上雜詩

竹筏歸從柳外汀鷓鴣隊隊晚風腥漁師不避豆花雨翻脫蓑衣覆酒鉶

吳 拭 三首

拭字去塵休寧人有遺藁

徐武子云去塵恍惚重然諾中年以結客傾其家晚栖吳市尋

明詩綜卷十一

十一

避兵虞山困厄死其詩自出機杼決難浪沒 朱千蓉云去塵夙饒才 黃破產結客贈予手製糜丸不啻沈珪對膠也 容金陵逼題十寺斷壁 七言如花雨已過寒食後風箏又銜社壇斜蠻鄉有夢三十里關海無 書二十年半偶歲深香積飯一番春老木棉衣移家轉近寒山寺探簷 惟餘秋水篇衣上露涼飄和著 邊霜重壓蘆花論之神采溢目

苦寒

嚴霜摧百草北風何其涼我愁豈在躬憂此道路長忽行役中不復知景光凝冰屬仲冬萬物咸閉藏吾非寒號蟲乃思驕鳳皇躊躇三歎息落日照路旁

無題和斗生

二首

海外雲生碧浪陰蘋鱗蒼鴈總浮沉寥寥天漢雙星小寂寂梨花一院深貞玉有光還易見明珠無定杳難尋輕鸞欲繡愁無力除是靈芸七孔鍼

巫山遠在暮雲中愁隔春燈一點紅莫道金刀難翦水  
須知紈扇也驚風化為蝴蝶飛纔竝除是鴛鴦睡不同  
最是游絲無賴甚又牽春去過牆東

沈章 六首

章字宗玉嘉興人國子監生有苧莊集

詩話上舍爲亡弟千里婦翁詩頗崛奇所居苧莊略約相通環以水竹余嘗讀書其地今其二子皆登鬼錄遺書莫可問矣

示弟漣

蠶則有蛹蠶則有績矧伊人兮胡不爾德 解一昔我先人

實懋厥功靡不夙夜克纘其宗 解二伊余懷兮程是稼穡

一經不遺以永朝夕 解三朝斯夕斯日月言邁令聞或忒

我心匪懈 解四人亦有言聲類是求相彼蒼鷹氣化爲鳩

明詩綜卷五

十一

五 淵冰在前惕焉戾止繩墨在御敢以勗子 解六

淮陰侯祠

淮水十斛泥半石行人入門三歎息王孫功高天下疑

赤龍雌雉俱慙德前有渭水後桐廬進則不足退有餘

曷不歸釣城南魚

靈谷寺看梅

下馬看碑度孝陵山椒十里樹層層半開香氣清於水

一路人家靜似僧春動粉頰都化蝶夜寒花片欲成冰

思憑一枕羅浮夢月白烟黃睡未能

岱宗次吳秋圃師韻

四十里程半日行下觀鄒魯井中耕樹從樵口標秦漢

人與繩籃託死生，深髮不知何處雨。曝衣猶及上方晴，東風無力吹雲去。抹斷齊州水一泓。

隋堤懷古

邗溝新碧晚濤平，楊柳曾遮殿脚行。誰道雷塘歌吹歇，月明重按玉簫聲。

天池寺

竊粟猿雛戲法幢，天池中劈石門雙。深山不是無燈火，解惜飛蛾夜觸牕。

邵德生 二首

德生字大生

人崇禎中儒學生，有清聞軒

橐

明詩綜卷七十一

七

夜度清遠峽

枕上不見山，但聞水聲駛。自非山百尋，水急那如此。

楓亭

草樹隨方別，楓亭故有楓。故鄉烏臼樹，霜色更深紅。

陸壽國 一首

壽國字靈長，長洲儒學生。天卒鄉人私，謚孝簡。

子有嶺雲集

虎丘春步

好鳥語芳樹，春山遠近看。攀厓振蘿策，度塔跨雲鞍。縞袖翔飛燕，青箋賦木蘭。雨餘客去後，新月上欄干。

吳道約 一首

道約字博之一字亞侯桐城人縣學生有大易  
山房藁

懷方子恒

王孫別去草萋萋江麓殘烟送馬蹄我念故人腸斷絕  
小橋流水夕陽西

沈嗣貞一首

嗣貞字紀常秀水縣學生有荀草堂集

譚梁生云  
紀常諸體

俱臻  
典雅

秋夜

適館聞衙鼓歸家聽寺鐘欲爲僧苦寂未作吏先慵夜  
永蘭膏滅秋深玉露濃此中忘去住城市有高蹤

明詩綜卷十一

十四

李肇亨

三首

肇亨字會嘉嘉興人大僕日華子有寫山樓率

圖夢餘諸草

詩話吾鄉鮮嚴登之勝然園亭之參錯水木之明瑟舟楫之沿洄縱游  
覽所如而不倦焉曆以來永平日久士大夫留意圖書討論藏書以文  
會友對酒當歌鴛社之集譚梁生偕會嘉和之先後賦詩者三十三人  
事未百年而閭閻故老已莫能舉其姓氏玉杯錦席之地皆化爲宿草  
荒烟惟李氏寫山一樓尚未板飛粉落宛  
然靈光之在魯錄河雪之作不禁撫然

秋興

溪樓閒眺望秋思滿林塘潦水芙蓉爛西風擺棹香晴  
光翻去鳥野色動寒螿問詢東籬菊還須後夜霜

題宋人江泊圖

愛見江邊樹蕭疎落照前遠峰分霽色小塢共寒烟鴈

迹留沙渚猿聲到客船十年湖海夢今日倍依然

西冷寓室

露氣橫疎柳香風送晚荷不知湖面闊止覺四山多

駱雲程

二首

雲程字天游一名雨禾字穉孫嘉興人有廣禽

言

布穀

脫却破袴衣著新莫著故新人紈綺舊荆布貴易交富  
易婦朝還朝暮還暮人生肯繫如匏瓠

鳳皇

節節足足雌鳴雄續不集于梧不集于竹栖棘斯危在

明詩綜卷七十一

十五

箴則辱雄宁雌宁何德之衰宁

譚貞和一首

貞和字閭仲嘉興人贈太僕卿昌言次子

社集分賦得金谷

日月長麗矚溪山餘素期別廬欣賞間更復賓主宜監  
軍曠高懷祭酒澹塵思盤礴澗道上澗冽荇參差竹柏  
旣峭倩藥草復繁滋觥飛壘交錯絃急管威夷迨迨錦  
步障晃晃珊瑚枝姬侍列雲屏倡舞喧相追豪侈極人  
目俱言此會稀席終方奏序興往各稱詩遺韻珍當年  
勝游示來茲不負歲寒約意氣歡足持

譚貞法一首

貞竑字立生貞和貞良之弟有清音閣詩草  
南屏歸艇遇

望裏南宮潑墨山小牕殘燭放舟還從容畢竟輸漁父  
藕葉菱花泊淺灣

秦徵蘭 八首

徵蘭字楚芳嘗熟儒學生

徐大臨云近傳天啓宮詞百首乃琴川秦秀才辭而同里陳

據爲已作公

然鏤版行之

詩話德陵實錄爲黑頭爰立者所覆天啓四年七年事遂爾遺佚秦秀才宮詞摺摺禁庭瓊語頗稱詳核合而觀之嫌其述客魏居多而事關德陵者寡不無微憾耳

天啓宮詞 八首

紅粉排班玉輦旁西園花柳踏春陽中宮侍從偏無幾

明詩綜卷七十一

十六

窄袖高鬟一樣妝

自注張后性淡靜愛憎稍與眾異客氏教宮人效江南作廣袖低髻尤爲后所厭薄春秋佳日駕幸西苑等處

坤寧宮侍從多不踰三四十輩其妝束如圖宮所見古人像客氏往往目笑之

石梁深處夜迷藏霧露溟濛護月光捉得御衣旋放手

名花飛出袖中香

自注乾清宮丹陛下有老虎洞不知所始洞背爲御街洞中磬石成壁可通往來上嘗于月夕率內侍賄迷藏

爲戲管避其內諸花香氣上所薦愛時采一二種貯襟袖間故聖駕數武外輒識之以芳芬襲人也

內河環遶禁城邊疏鑿清瀾勝昔年好是南風吹薄暮

藕花香拂白鷗眠

自注神廟靜福年久禁城內河壅淤不通德陵復今疏浚之春夏之交景物尤美鴛鴦鵝鴨若江南

聖主多能絕代姿罷朝常是運斤時裕妃笑指燈屏問

雕到寒梅第幾枝

自注裕妃未罹禍時宸眷獨寵上好雕鏤木器護燈小屏八幅手刻寒雀爭梅戲畀諸少璫今璫之仍諭以御

制之物價須一萬翌日如數奏進大悅

瑠璃波面浴鷗鳧艇子飛來似畫圖認著君王親蕩槳

滿隄紅粉笑相呼

自注上數偕中官汎葉舟于西苑手操駕櫓去來便捷

美人羞黛月同彎侍駕登高薄暮還共訝洛陽橋下曲

年年聲遶兔兒山

自注兔兒山即從磨臺乙丑登高聖駕臨幸鐘鼓司掌印官執板唱洛陽橋記攢眉黛鎖不開一闕次年復如

之宮人知書者相顧疑怪非特於景物無取語意實近不祥也不期月而鼎湖龍逝矣

風掠輕舟霧不開錦鱗吹裂綵繡摧須臾一片歡聲動

捧出真龍水面來

自注乙丑端午駕幸西苑用綠繒飾小舟首尾爲龍形上手持其同少璫劉思源萬永壽蕩漾橋北怪風忽

起雲霧四塞舟覆二璫塗死管事譚敬甫劄赴救扶駕出水

水鴨銀苗院院同鵲橋衣卸巧山空晚涼供罷波羅蜜

去看河燈萬點紅

自注七夕節各宮立乞巧山子宮眷衣鵲橋補自初一起至十四止中元節食銀苗菜藕之嫩芽也水鴨先一夕煮熟凝成膏者甜食房進供佛波羅蜜西苑作法事放河燈已上數條宮中舊例惟宮人內官添衣相攜看河燈則辛酉後事也

吳天泰 二首

明詩綜卷十一

十七

天泰字謚生秀水人歲貢生有星帶草堂集

示族子

人生各分定如面異黔哲讀書求仕宦運數杳莫測不  
如事田廩勤苦但食力我家本清門中葉浸流失相將  
習游閒遂乃離樸質流覽五服遙頗喜見諸姪水國采  
菱魚陸海種秫秫上可奉高堂俯足寧家室少游嘗有  
言款段與下澤鄉里稱善人庶幾念祖德

題周仲吉畫

雪色滿天地扁舟倚深谷危峰入層雲幽意動遐矚溪  
橋凍未澌老鶴立寒木

吳麟玉 一首

麟玉字稚禎別號雪翁秀水縣學生有醉月聽  
溪二軒詩藁

邨居

屛跡市廛外烟邨聊索居貧無乞米帖嬾有絕交書松  
下近調鶴雨餘新種魚更添數竿竹遮却往來車

徐

淮一首

淮字愛竹嘉興縣學生有愛竹軒詩

宿金粟寺

昨歲曾游此莓牆墨尚新雨花長似粟觀海更無津下  
榻便行客烹茶費主人

時查孝廉寓此讀書

年來稀戰伐鼙鼓但迎

神鼓係孫權所留

明詩綜卷十

六

徐仲選一首

仲選字華海一字鶴友海鹽人國子監生有鶴

友詩藁

詩話鶴友近體刻意學陸務觀

水邨

照檻晴光眼未迷瘦藤斜影度橋西沙頭白鴨黃鵝睡  
籬畔瓜棚豆架低屋似魚船疎荻繞亭如僧笠稚松齊  
此鄉風景真堪戀只合攜鉶坐菜畦

嚴紹宗一首

紹宗字隨翁無錫人有鳩緣集

新秋廷鳴移具小樓待月

秋至杳無跡颯然風滿林倚樓羈客思呼殘故人心紅  
葉疎簾冷青蘋小院深月明今共賦心事兩浮沉

曾元良 一首

元良字君山秀水人有烟波集

秋柳

俄驚搖落渭城邊悵望遙隄絕可憐病葉幾能禁驟雨  
柔條猶自鎖寒烟從教歌院頻翻譜忍見郵亭更折鞭  
淒斷新霜板橋曲衰荷相伴曉風天

高秉藻 二首

秉藻字友葵松江華亭人縣學生有潤照堂詩

湖堤

明詩綜卷十一

十一

舍館意未安游覽力已猛披衣出芳原蒼翠周四屏琳  
宮千百尺巖巢吞顛景蘭若非一居鱗次若萬井旋窺  
大佛寺却失龍象整其陽枕江濤其陰負修嶺步步異  
前蹤行行惜去境斷橋曾不斷石堤相與永綠柳何歲  
幾間之桃與杏柔颺翦綺縠密葉含藻荇羣秀欣有託  
萬象紛然炳歎息蘇長公千載若俄頃江山不改舊風  
月誰爲領撫景念往昔令人發深省

淨慈寺

維艸綠楊岸爰命理輕策從者四五人鈞衣防亂石南  
屏鬱岌崑琳宮寄翠嶺柱礎錯互置枕栱向背出檻鳳  
威羽翔幢龍鱗甲拆法象有三身應真計五百伊昔壽

禪師于此布法席言詮雖已繁圓鏡乃歸一我來祇樹  
下髣髴天竺國碧篠吐笙簧青松韻琴瑟口分茵陳飯  
手展貝多帙逆風發梅檀香氣何馥醇非無豪士豪爲  
憚律僧律徒倚澹忘歸山空落紅日

沈文輝一首

文輝字履亨嘉興縣學生有瓜田遺橐

西莊

乍喜入烟別都無俗客喧漸能諳稼穡不復厭雞豚仄  
徑苔梅古疎籬竹屋存東塍近僧院清磬報黃昏

繆師伋一首

師伋字孟思嘉興人

明詩綜卷十一

十一

九日

黃菊東籬下還逢九日開今朝尊酒盡無復白衣來

周青

士云  
調合

顧玘徵一首

玘徵字文玉嘉興縣學生有讀書臺橐

感舊

烏衣門巷舊游非王謝堂前燕子稀有客有客莫遑處  
式微式微胡不歸乾坤萬里愁雲合風雨三秋落葉飛  
極目天涯誰與語釣篷思老一魚磯

嚴焯一首

焯字子尹嘗熟人有南虞小草

詩話子尹詩律頗細如詠雪云竹上有聲如雨夜庭中無月亦明時今永嘉四靈見之定把臂入林也

### 長相思

長相思在夢中自君之出羅幃空牕前浙浙來朔風滿  
天霜雪鳴孤鴻楓林青兮關塞黑終然萬里魂難通長  
相思何時終

### 初夏偕顧魏二子游西關

散步西郊任所之雨餘新綠倍濃時同游此日還同散  
明日分飛各不知

曹 臣 一首

臣字野臣歎人有鬼訂集

錢受之云野臣詩字搜苦索不由康莊轉入僻徑自定其集曰

鬼訂以爲非時人所知也

明詩綜卷十一

十一

### 郝公琰墓下作

郝之璽今已矣憶君棄我已三年一棺裹骨黃泉裏我  
欲呼君君不起慘柏悲松聲聒耳幾莖瘦草不成叢是  
我頻來淚澆死

湯傳楹 二首

傳楹字子輔更字卿謀吳縣學生有湘中草

倚樓

天影一何澹空庭無雜喧暮山隨靄沒黃葉帶鴉翻無  
徑不秋草與鄰同小園偶然搔首處竟夕未能言

渡口別

一水盈盈便渺然夕陽坵坵渡頭船長堤燈火人歸後

回首西樓盡暮烟

馮元仲 一首

元仲字次牧慈谿人有天益山房詩集

題晏長侍祠

嗚呼晏長侍石室存道統上像皇帝三其左周召孔宋  
之四大儒一一接其踵哉哉殿三楹像皆刻石奉四壁  
龕者五分標五經總古人所未聞此是我作備倚彼何  
人斯卓哉儒者勇

詩話都城西山弘教寺傳是正德間中貴袁忠所造寺前有潤過潤壩  
石爲門題曰道統門石殿三楹上琢三皇五帝三王像在龕周台孔孟  
諸聖賢石鑿周程張朱諸儒像別一石龕以藏五經殿外一石亭壁列  
鐘篋千戚錢鏐弁裳之屬左龍馬馬毛旋五十五數具一如河圖右龜  
龜甲四十五數具一如洛書東堂三楹壁列忠臣龍比以下孝子曾閔  
以下若干人按元史泰定二年中書省言養給軍民必藉地利世祖建

明詩綜卷七十一

三十一

大宣文弘教寺寺賜永業當時已號虛費今遺蹟已無可考觀晏公祠  
石象禮器制度渾朴不類明時匠人所鑿且元於儒釋初無所分疑寺  
即宣文弘教之遺址晏忠特從而修飾之爾金華姜給事應甲詩云空  
山石祠堂落磔跨深翠肖象古聖賢高下坐淵漠殿墀列應龍如出自  
河洛煌煌先儒語所爲忠孝作性理累百卷題壁見大略歷覽感吾心  
人傳晏公鑿厥志在尼山高纒得所託魏哉彼檀施血塗丹墀則竟  
以爲長侍所鑿次牧亦沿其誤至云古人所未聞此是我作備不知何  
字列聖賢像始於文翁踵於趙岐漢之遺碑若司隸校尉魯恭荆州刺  
史李剛從事樣武梁祠皆有  
刻石聖賢像非作俑比也

丁元公

一首

元公字原躬嘉興布衣晚爲僧號願菴

題画木芙蓉

詩話原躬自奇恒與俗齟齬書画俱入  
逸品兼精繆篆詩亦不屑作庸熟語

吹遍鯉魚江岸風露條霜蕊一叢叢謝家池上秋容一作空  
闌十里長隄間白紅

喻應益一首

應益字叔虞新建人

滕王閣

飛閣千年勝跡留層巒遠水檻中收萋萋岸綠王孫草  
湛湛江平帝子洲煙樹尚含羅綺怨風濤不散管絃愁  
飄零莫縱登高目門掩斜陽獨下樓

馮夢龍

夢龍字猶龍長洲人由貢生選授壽寧知縣有

七樂齋稿

詩：「樹善爲啓類之辭間入打油之調雖不得爲詩家然亦文苑之滑稽也」

冬日湖邨即事

明詩綜卷七十一

七

蒹葭一望路三叉遙認莊窩去路斜舟響小溪過蟹舍  
屋頽高岸露牛車輕霜隄柳餘疎葉暖日邨桃早放花  
平野蕭條聊極目遠天寒影散羣鴉

明詩綜卷七十一

明詩綜卷七十二

小長蘆 朱彝尊 錄

虎林 汪泰來 頌評

張

銓 一首

銓字宇衡沁水人萬曆甲辰進士除保定推官擢浙江道御史巡按江西再按遼東陣亡贈大理寺卿加贈兵部尚書諡忠烈有集

宜春臺眺望

臺以宜春勝登臨恰仲春竹風如款客花氣欲熏人山色平依檻江流曲抱城昔賢樓隱處覽古倍含情

張振德 一首

明詩綜卷七十二

振德字季修崑山人萬曆丙辰以選貢知興文

縣事天啓辛酉死奢崇明之難贈光祿卿諡烈

愍

魚兜堡

渺矣南荒地居然小有天魚兜沉夾浦龍洞闕靈泉耕鑿番歌穩追呼羽檄連遠臣憂主辱未敢賦歸田

張可大 一首

可大字觀甫其先孝感人世襲南京羽林左衛

千戶中萬曆辛丑武進士歷官都督同知轉右

都督改南京左軍都督府管府事鎮登萊崇禎

壬申吳橋兵變回攻登州城陷自縊諡壯節

書邊事

無端小草出登壇壯士徒歌易水寒枉把全師輕一擲  
遂令宿將盡三韓腐儒誤國由房琯野老吞聲恨賀蘭  
豈是彼蒼開殺運祇因人事自摧殘

陸夢龍一首

夢龍字君啓紹興山陰人萬曆庚戌進士除刑  
部主事歷員外郎中出爲廣西提學僉事轉江  
西參議湖廣副使貴州參政廣東按察使降補  
河南參議轉山東副使調陝西以參政分守固  
原道崇禎癸酉戰死贈太僕寺卿諡忠烈

宿東林寺

明詩綜卷七十一

二

禪房獨樹鳥爭棲月色冥濛霧漸迷曉起不知山路滑  
西風吹雨過前谿

孫承宗

六首

承宗字稚繩高陽人萬曆甲辰賜進士第二除  
編修歷坊局以禮部右侍郎掌詹事府拜兵部  
尚書兼東閣大學士奉命督師出鎮山海加太  
子太保尋加少傅兼太子太傅文華殿大學士  
再加少師兼太子太師予告回籍崇禎二年仍  
起督師又三年復予告歸七年高陽失守入城

南老營望闕拜叱持纓者縊死贈太傅諡文忠

有南陽集

錢受之云公生長北方游學都下負燕趙悲歌之節為  
詩不問聲病不事粉澤卓犖沉鬱元氣鬱盤魏環極

云孫公古風近體靡不本英分據雄才高步作者之林而究無泥於古

靜志居詩話先生自任天下之重盡瘁師中司馬之微方馳樂羊之懷已滿見危授命無愧全人集中三十五忠詩蓋有感於藩禍而作三十五忠者趙尚書南星高總憲攀龍周侍郎炳謨楊副院璉馮副院從吾何總督士晉在僉院光十李御史應昇夏御史之令周中丞起元梁宮諭昌期蘇孝功繼歐張尚書問達汪侍郎輝丁簡計乾學鄧中丞漢表御史化中英總督用先顧憲副大章王尚書紀魏給事大中鄧總憲元標王侍郎之寀周主事順昌夏文選嘉遇周御史宗建周同少朝瑞黃侍郎鼎孟參軍淑孔也東林之君子已得十八九馮先生之言曰起三十五人于九京未必人人大有動烈而有動烈者必此三十五人痛惜人才之至矣

### 山海關

甲冑詩篇少乾坤戎馬多幻仍看海市壯擬挽天河塞上人先老山頭月奈何羣雄驕語日一劍幾經過

### 潮

明詩綜卷七十三

三

休嫁弄潮兒潮今亦失信乘我油壁車去向錢塘問

### 送友人

山城吹角月婆娑一派秋聲向客多已是愁中聽不得那堪重唱渭城歌

### 閒圃

閒身終日比雲閒不爲秋風棲碧山却訝枝頭雙白鳥夕陽飛倦未知還

### 秋日飲甯氏水亭

孤閣臨流混太清烟波渺渺抱重城西風莫卷枯荷盡醉客重來聽雨聲

### 哭門人李元治

海內交游已漸稀眼前老友幾相依夜來驚有西園信  
淚灑東風滿客衣

呂維祺一首

維祺字介孺河南新安人萬曆癸丑進士除充  
州推官徵入爲吏部主事歷員外郎中告歸崇  
禎初薦起尚寶卿改太常少卿進本寺卿提督  
四尺館升南京戶部右侍郎兼都察院右僉都  
御史總督糧儲進兵部尚書流賊陷潁州都督  
趙世臣守清流關兵潰廷議多咎之奪職辛巳  
洛陽陷被執不屈罵賊死事聞贈太子少保尋  
謚忠節贈太傅

明詩綜卷七十三

四

南庚卽事

往事如譚虎先憂甚喘牛自煩前席召屢切北宸憂令  
甲漕難截呼庚例始留徒薪君不信毋乃到焦頭

劉振之二首

振之字而強慈谿人崇禎庚午舉人署東陽儒  
學教諭遷鄆陵知縣辛巳十二月城陷不屈爲  
賊支解贈太僕寺卿有画溪近草水壺先生遺

豪

詩話先生初署廣文日以忠孝勉諸弟子題官舍之柱曰人熱難困吾  
鼎可愛又曰一片冰心堪贈友滿腔熱血欲輸君其後捐軀最烈不食  
其言

闕湖卽事

秋容到處好碧水湛晴暉嶺樹陰逾密湖雲濕不飛亭  
虛山易入野曠鵲忘歸戶外塵雖滿那能上芟衣

登青笑臺

樓陰倒映水潺湲簾卷空青鳥乍還一幅雲林難著筆  
半沉半露霧中山

汪喬年

一首

喬年字歲星遂安人天啓壬戌進士除刑部主  
事累官兵部侍郎兼副都御史總督三邊死寇  
難贈兵部尚書

商於懷古

路入商源萬壑回據鞍懷古思悠哉茹芝高士墳猶在

明詩綜卷七十一

五

徒木姦雄骨已灰計絕楚援游客詐詩題秦嶺逐臣哀  
古今得失俱陳迹惟有山花歲歲開

蔡道憲

二首

道憲字元白號江門晉江人崇禎丁丑進士除  
大理推官改長沙癸未八月城陷被執不屈為  
賊所磔事間贈太僕少卿謚忠烈有悔後集

詩話江門自序悔後集云悔後者何前日妄作詩今而後悔也悔後而復有集者何吾但能於前日之詩今日之作且輯之以於後日之再悔也其虛懷可見詩雖音節未諧而清婉越俗如移竹已抽三尺筍種桃李發一庭花又湘水清蒸藤花落魚子生皆不失為佳句

送堵牧游入覲

十月迎君南千里送君北一歲雙酒卮隨君變顏色誰  
能入長安便無故人憶下有洞庭上湘江為我留君不

可得我在南君在北夢相思見顏色他鄉飯君強食歌  
再歌中歎息

歲暮

美人無信至歲暮江梅白家住嶺西東何處寄相憶

馮一第 一首

一第字根公長沙人天啓丁卯舉人崇禎癸未  
長沙不守走湘鄉將乞師酉陽以圖殺賊為賊  
所獲斷兩手置營中一夕死

野望

江岸閒行處晴雲澹一天微風生遠樹吹送渡頭船

蔡懋德 一首

明詩錄卷七十一

六

懋德字公虞崑山人萬曆己未進士除杭州推  
官入為禮部主事歷員外郎中升江西提學僉  
事轉浙江參政累官僉都御史巡撫山西太原  
城破自經于三立祠謚忠襄

月下步朱龍橋

長虹何天矯獨跨萬山中一道來飛練千林壓冷楓歸  
雲奔遠岫涌月洗寒空攬袂登高立憑闌望莫窮

金毓峒 一首

毓峒字鶴沖保定人崇禎甲戌進士除中書舍  
人擢湖廣道御史監宣大軍尋奉命督禁旅扼  
畿南要害馳至保定登陴固守城陷投井死

早春雜詠

繫馬河濱及早春鳴鳩乳燕往來頻故園風景知何似  
自媿東西南北人

范景文

三首

景文字夢章吳橋人萬曆癸丑進士授東昌推  
官擢吏部主事歷員外郎中移疾歸起太常少  
卿尋以僉都御史巡撫河南升兵部侍郎轉南  
京都察院右都御史尋升南京兵部尚書坐劾  
時相除名爲民已復起工部尚書拜東閣大學  
士京城陷拜闕號哭投井死初謚文貞順治初  
定謚文忠有水餐堂草

錢受之云夢章羸弱身不勝衣論  
詩類由每以江左風流自命一旦

明詩綜卷七十一

七

持大議抗大節屹然與高陽定興並峙崆峒戴斗爲之生色 陳  
皇士云范公詩古直豪邁發露夾遇國步艱難故多悽涼之辭  
詩話啓禎之際秦聲變而至文天瑞楚調變而至尹宣子越吟變而至  
王季重正音埽地矣吳橋博綜舊章領袖羣雅其詩發揚而不厲新警  
而不能獨自成家  
不飲狂泉之水

有感

天啓嗣祚年臺諫氣色盛憂危叫九關所恃上神聖何  
來連斥逐無乃累新政薄謫亦主恩敢廢天子命所虞  
端一開庶言疑欲屏中璫思乘墉况可授以柄於惟我  
神皇高拱握金鏡稍稍視下輕釀成結轡病今誰秉國  
成借之弄機穿罪人佚顯罰反憾言官諍漆室抱深懷  
能不心恟恟尚慎一怒加撫茲萬邦正

宿長清署中有感作

古驛昏鴉坐長塗病馬饑宵寒停柝早時亟啓關遲落  
月三更信春風六日期年年行役苦兩度已於斯

過維揚

游子關情處江空白露秋客程初問水旅思怯登樓非  
是瞻雲切還應見月愁鄉關歸夢裏一夜下揚州

倪元璐一首

元璐字玉汝號鴻寶上虞人天啓壬戌進士改  
庶吉士授編修歷侍講南京國子監司業右中  
允左諭德右庶子國子監祭酒升兵部右侍郎  
改戶部尚書兼禮部尚書翰林院學士京師陷  
自縊死初謚文正定謚文貞有憶草

明詩綜卷三十一

八

詩話曆日之頌明太祖定於九月之朔其後改十一月朔繼又改十月  
朔遂爲定制是日帝御殿比于大朝會士民拜于廷者例俱得賜倪尚  
書天啓中賦頌律詩最爲典重他詩過於新奇不然也尚書晚築室于  
紹興府城南隅瞻禮法式皆手自繪畫巧匠見之束手既成始歎其精  
工時方患目疾取程君房方子膏所製墨塗壁默坐其中堂東飛閣三  
層扁曰衣雲篋閣則萬數千籤皆在寫下適石齋黃公至施以錦惟  
張燈四照黃公不怡謂國步多艱吾輩不宜宴樂尚書笑曰會德公訣  
爾旣北行遂殉寇難閣順治初尚存曩嘗攜金弟千里暇輒登焉今已  
鞠爲荒草矣

皇極門頌曆作

鳳闕開彤旭倪爐散紫烟六階齊度緯七政轉璣璿甲  
曆龍躔改寅賓象魏懸明時功在革資始義承乾黑帝  
威初試青皇位早傳周官新月令甘氏舊星篇人繼羲  
和後書成冀莢前庚先三日戒貞下一元旋圖籙符垂  
赤干支德應玄興王惟省歲太史又編年賜出黃星曜

披看綠字鮮因知天曆數如日起虞淵

孟兆祥 一首

兆祥字允吉文河人天啓壬戌進士除大理評事升吏部主事歷郎中謫行人司副尋遷光祿寺丞轉少卿左通政太僕卿通政使官至刑部右侍郎甲申三月守正陽門城陷不屈死贈尚書初謚忠貞定謚忠端

詩話孟公峻節自樹取忤中璫卒殉節于正陽門子章明顯之以進士觀政吏部視公爲舉亦自盡時論愈然以爲三百年特異之事初贈河南道御史謚節愍順治九年定謚忠貞其詩文惜無存

破石

破石分秦險郵亭日欲低未知山近遠已失路東西遠

明詩綜卷上二

九

水看烟起深林畏鳥啼鳳城何處是彌望草萋萋

凌義渠 一首

義渠字駿甫烏程人天啓乙丑進士除行人選授禮科給事中歷兵科都給事中升福建右參政轉湖廣按察使山東右布政使入爲大理寺

卿京師陷自經初謚忠清定謚忠介有使岷蒙

詩話凌公詩義見者解頤嘗與閩文學元京共排續湘烟錄董上舍斯張稱其冷豔渾臚比之吳均入東記及官禮垣封事四十餘上皆切中時弊溫輔以吏才稱之轉外溫既謝政入爲大理踰難之項從容就義惟悉取平生撰述焚之爲可惜也公清介特甚田廬一無所遺身後二十餘年猶未并梓江都吳綺園次守吳興時夫人問尚存園次蕭拜堂下秋深矣尚衣葛衣練幕退而歎息恒以鹽政魚救遺之且卜地葬公于驢郭之北爲文祭之

鄴中詩

微風入樹冷修修漳水依然咽舊流何處高樓思落月  
久傳疑冢有荒丘佳人南國經春鎖公子西園愛夜游  
最是英雄多感慨當歌今日好銷憂

施邦曜 一首

邦曜字爾韜餘姚人萬曆己未進士武學教授  
遷國子監博士歷工部主事員外郎中出知漳  
州府升福建參政轉四川按察使福建右布政  
使南京光祿寺卿擢左副都御史殉國難初謚  
忠介定謚恭愍

詩話浙人不幸萬曆以來執政者前有四明後有烏程德清以是朝士  
不附東林者擊目之曰浙黨此指一時阿比執政者而言則可爾東林  
諸君子全倚浙人助之人品蓋皆論定試觀建文壬午崇禎甲申殺身  
成仁潔已自靖者惟浙為多順治九年定謚甲申殉難文臣計二十人

明詩綜卷五十二

十

而浙居其六繼此授命者更難悉數浙黨之目庶幾可以一洒矣恭愍  
從容自經書其筆云慙無半策匡時難唯有孤忠報國恩蓋初不以詩  
名而自  
鏡方格

暮望

返照開西峽穿林度遠塘界枝散高影遠岫駐餘光城  
市歸人急江天宿鳥忙自傷遲暮客日日送殘陽

馬世奇 三首

世奇字君常無錫人崇禎辛未進士改庶吉士  
授編修累遷左春坊左諭德兼翰林院侍講甲  
申京師陷自經死初謚文忠定謚文肅有集 陳

士云公詩春空環  
麗居然唐人風格

詩話馬公清德奉使諸藩餽贈一無所受比還朝夢中吟文信國詩從  
公別却江南日化作啼鴉帶血歸蓋殉國之志已素定故先兆于夢云

秦淮曲

萬騎南巡正德年內家前隊鐵連錢白衣舞罷乘鸞去  
應有霓裳曲未傳

贈曹元宰守漳州

靈查秋泛海天涼五夜心懸燕寢香總為至尊憂社稷  
漢臣何必薄淮陽

贈鄭少府之任

宦薄無妨吏隱尊清風一拂百年存流移滿目誰堪繪  
念爾監門舊子孫

周鳳翔 一首

鳳翔字儀伯紹興山陰人崇禎戊辰進士改庶

明詩餘卷七十一

十一

吉士授編修遷南京國子司業歷左春坊左諭

德兼翰林院侍讀都城陷自經死贈禮部右侍

郎初謚文節定謚文介有集

陳皇十二云公詩清灑  
無館閣猥重之習

詩話甲申三月之變文介授命獨遲十九日城陷語吳莊介云臣子義  
在必死然必一視大行殯宮縞素慟哭方可無憾爾二十一日赴東華  
門茶棚下舉哀復匍匐至邸自經絕命詩云碧血九原依聖主白頭一  
老哭忠魂時親猶具慶也於時大學士宜城丘公瑜集議朝王俄而賊  
入亟走民家自縊為翁人所持不死次日賊蹤跡得之挾入窟舖求死  
不得賊帥劉宗敏刑辱備加猶慢罵不屈伺守者稍懈乃就縊論者責  
其滿忍至受羣盜之侮不得與忠臣之列文介東華之哭既不受賊帥  
之拘而萬舌一辭免腐儒吹疵之論是天所以成公大節而公之素行  
交孚于鄉國故  
也不其難哉

舟中聞鴈

一葦秋橫渡三江鴈引羣北來應幾日消息可相聞嘹  
唳孤雲迴蕭疎夜色分當前渾欲訴木葉落紛紛

劉理順 一首

理順字湛六杞縣人崇禎甲戌賜進士第一授  
修撰升左中允甲申殉國難初謚文正定謚文

烈有劉文烈公集

陳皇士云考宋元以來狀元及第死事者  
於宋得三人何鼎文文祥陳文龍於元之  
三人李黼泰不華李齊而明有五人靖難之時則有黃侍中劉土木之  
禍則有曹文忠蕭北京之變則有劉公而浙東有徐庶子煌江右有劉  
中允同升先後皆死國事此亦

科名人物之盛軼於前代者也

詩話劉公退朝賊騎突入回寓舍書曰成仁取義孔孟所傳信公踐之  
吾何不然暨其妻妾並縊可謂不負科名矣詩多直抒胸臆不為體格  
拘所

錢塘江遇雨

微雨來江上濛濛曉未收故園千里隔客夢一身浮烏  
白家家樹魚榔岸舟舟觀濤無不可須上幾重樓

明詩綜卷七十一

十一

吳麟徵 二首

麟徵字來皇號磊齋海鹽人天啓壬戌進士除

建昌府推官丁憂起補興化徵拜吏科給事中

歷都給事中升太嘗寺少卿京師陷自縊初謚

忠節定謚貞肅有集

詩話磊齋在八舍知無不言又明於當世之激不始不吐李與執政齟  
齬不用其謀嘗與伯兄石匏書云朝廷之是非臧否無恒而所號為正  
人專以門戶聲氣為事驪場事日益決裂安之若固然惟一人焦勞於  
上而已又云近日用人條更條揆當事全無確見惟規土意所在其餘  
議論紛紜封疆事所以日壞良可歎也又云宜興敗後大獄頻興士大  
夫幾無生氣而言路更甚第幸免風波然欲積識以冀匡救之一萬一則  
未可得也又云闔賊破潼關直抵西安秦督三萬師一潰無餘獻賊破  
長沙進逼袁州江浙震鄰吾鄉恐未能安枕天下事有不忍言者子姪  
輩教以敦厚毋事浮文為善于鄉黨足矣其言一切中時弊臨終處  
置家事各有條理從容不亂尤人情之所難能詩不甚敦琢其工者每  
涉傷時存其二首言

人之言不在多也

送王昆華前輩使節歸省由楚入滇

益部占星信桐圭展萼親水濼湘畹碧山入點蒼新休  
沐西南里詔詠遠近人潘輿聞送喜日望使車塵

李子德云全首

清稷

送葛無奇侍御按粵

刺桐花發粵山青一路爭看豸繡經廻鴈峰南望天北  
五雲長傍使臣星

汪

偉一首

偉字叔度江寧籍休寧人崇禎戊辰進士除慈  
谿知縣選授翰林簡討甲申三月死國難贈詹  
事府詹事初謚文烈定謚文毅

明詩餘卷十三

十三

旅次述懷

于役逢蕭序停鞍已夕春酒餘忘逆旅湖外憶高蹤挂  
壁留殘火披衣候曉鐘故園今漸近白岳有雲封

沈山子云大曆

十子遺響

許

直一首

直字若魯如皋人崇禎甲戌進士除義烏知縣  
以母喪歸補惠來選授吏部主事歷員外甲申  
三月死國難贈太僕卿初謚忠節定謚忠愍

絕筆

投筆翻然辭世行老親幼子隔幽明丹心未雪生前恨  
青簡空留身後名

簡友

玄亭今在否竹馬舊過尋尚憶人如玉那禁雪滿簪平  
湖秋水闊板屋夜燈深莫更踈還往相看歲暮心

吳甘來一首

甘來字節之瑞州新昌人崇禎戊辰進士授中

書舍人擢刑科給事中歷戶科都給事中甲申

死寇難初謚忠節定謚莊介

詩話 吳陵叔社稷周文介欲哭殯宮而後死莊介口然其言而亟歸寓  
自縊時因哭殯宮而安恟辱者蓋不止丘輔一人是則莊介之識遠也  
甲申之變諫垣數十人或竄或辱或汗篤命死者僅莊介一人假使  
文介之言安知不與丘輔同其辱乎君子論吳周兩公之死則先時者  
得其

正矣

經彭澤

明詩綜卷七十一

十三

亦有東籬菊何人尚隱居夕陽催進艇殘夜擬焚魚物  
變看多異名高詒未除懷歸無長物猶有一牀書

王章二首

章字漢臣武進人崇禎戊辰進士除諸暨知縣

調鄞縣徵授工部主事選陝西道御史以憂歸

服闋補河南道御史京城陷死之初謚忠烈定

謚節愍有公餘草

詩話 王公赴義最烈公餘草詩一卷序者以吉光一片喻之是年御史  
盡節者三人公與鄞陳公良謨零陵陳公純德也聞有昆明趙諤字鏡  
所天際甲子舉人除貴州龍泉知縣以禦土寇功行取擢四川道御史  
巡視中城城陷為賊所械瞋目大罵賊刀仗齊下殺於白帽衛衛其死  
與王公相類而遠方乙科無人為之請卹國史野  
紀闕為僅見於陳氏兩朝遺詩小傳持附書之

聖駕閱城

秋色當樓滿崇闈莫帝居虎門橫雉堞鳳吹導龍輿峻  
坂雲臨近封泉地絡舒翠華迴輦處嵩舞遍丹除

讀書篁川偶詠

竹裏起茶烟白雲堆滿屋何處桔槔聲園丁灌花木

成德一首

德字元修懷柔籍霍州人崇禎辛未進士榜姓  
張有旨復姓除知滋陽縣事被逮杖謫久而赦

還補如皋知縣入爲兵部主事轉員外郎甲申  
殉國難贈大理寺卿初謚忠毅定謚介愍

詩話元修牽絲作令不善事上官爲守所揭巡按以貪酷聞被逮按臣  
及守溫輔私人也元修母張具本筆安於朝盛溫輔肩輿託罵溫輔恚  
甚言於思陵杖之午門前下錦衣衛獄發遣時留家人居順義城破衆  
爭匿地窖中元修父文柱曰豈可男女雜入一窟中乎賊至遂遇害一

明詩綜卷七十二

十四

妹二妾皆自經及甲申就義母張暨一妹一妾  
亦俱縊焉絕句一首蓋讀成日太行道中作也

絕句

出山已定盟心語作令須思遣戍時但卷琴書賦歸去  
莫因狗祿乞身遲

金鈐一首

鈐字伯玉留守前衛籍武進人崇禎戊辰進士  
選揚州府學教授入爲國子監博士升工部主  
事尋改兵部甲申殉國難初謚忠節定謚忠潔

有集

詩話思陵之去闖黨無異披山曾不數年命張彝憲總理戶工二部錢  
糧出幣全別建公廨俾諸司以屬吏之禮見金公再疏陳其不可謂以  
陛下迪簡之臣而令其聲折僞僂於刑餘之子不亦羞朝廷而辱當世  
之士邪思陵卒不允也中官借驗火器劫公落職公笑曰吾去官遠此

輩如脫蟻蟲垢賦之衣豈不愉快遂與諸弟講古文辭尤精研易理壬午七月晦讀鄧氏書題其後曰甲申之春定我進退雖遇時外而弗內退若苦衷遠而弗滯外止三時遠不卒歲優哉游哉庶畢吾世又語其弟曰吾平生寡所好視弄官如揮涕嗟今以巡城每過御河輒留連不能去何也卒沉於是從彭咸之所居公志蓋已先定矣

拜文信國祠下

復始自天運臣道無終窮殉節士所恒寧足矜子功偉哉一文士毅然任即戎棘行若履坦所在吟淒風一息苟可奮安忍即瘖聾九死固所甘但惜炎運終堪嗟生祭者不足語微衷

申佳胤 一首

佳胤字孔嘉永年人崇禎辛未進士除儀封知縣擢吏部主事轉員外降南京國子監博士遷

明詩綜卷十五

十五

大理寺副升太僕寺丞都城陷投井死初謚節愍定謚端愍有君子亭集

詩話申公循吏治最中州及考牧近畿聞寇逼居庸郡縣望風奔潰或勸毋入都慷慨流涕曰固知京師不支如天子孤立何疾馳以入時三月十二日也徧謁大臣畫戰守策皆不省城陷自投王恭廠井中其詩娟秀不羈不浮近劉半舫一派

贈郭子

下榻留征騎燒燈共客吟萬金烽火信一夜故園心世事風塵老交情契闊深此行須鄭重兵氣滿山岑

王與胤 二首

與胤字永錫一字百斯濟南新城人崇禎戊辰進士改庶吉士授湖廣道御史巡視河東鹽課陝西茶馬應天學政引疾歸甲申四月聞京師

陷暨妻子登樓齊縊死有隴首集

陳伯璣云侍御以建言忤執政蕭然

歸里間難之日不在野緩須臾之死即其短歎微吟已可知其嚴氣正性

紀伯紫云先生忠孝大節日月爭先詩集僅存猶足挾風霜而

石 鑲金 詩話新城王氏科第最盛盡臨死者亦最多崇禎五年吳橋兵變南趨

時則保定同知象復暨其子舉人與慶死焉十五年城再破時則貢生

與朋暨其子舉人士熊生員士雅死焉至是侍御暨

妻子孺人子士和又死焉王氏之門才甲一世矣

### 對鉗梅作

鄉思那可禁况復逢驛使念我欲歸時已結垂垂子

### 西羌雜詩

紇干山下少人過大將行師按突何袖裏尚餘三尺練  
歸來生繫角斯羅

王士和

一首

### 明詩綜卷七十一

七十一

士和字允協御史與眉子新城儒學生

詩話允協死不違親與孟忠愍比烈其妻於崇禎壬午城破時先自經忠臣孝子烈婦萃於一門尤難得也

### 絕命詞

痛余生之不辰兮天滅我之立王我父母一聞之兮涕  
滂沱以彷徨以身殉國難子維千古之臣綱嗟反面而  
事讎子方臣妾之未遑哀世溷濁兮四維不張大地無  
容身之隙子願隨我父母歸于帝鄉

詩 琰 一首

琰字玉重長洲縣學生贈五經博士

詩話玉重青衫未受一命無必死之義而忠憤奮發始縊于家隨縊于福濟觀皆為人救解復投胥門城壕時潯王舟泊城下遙望見之亟命水夫掖起抵家問哀詔至宛轉悲號賦詩有一箇書生難殺賊願為厲鬼效微忠之句絕粒七日而歿先玉重死者北京布衣贈中書舍人湯

文瓊聞帝崩煤山書衣帶云位非文丞相之位心則文丞相之心慷慨  
自歿又聞金陵有丐者聞北京變搏膺大哭赴百川橋下死謝康樂詩  
所云本自江海人  
忠義感君子是也

### 妾薄命

妾本名家子幼小受人憐感君明珠贈含羞意不前左  
手執書策右手揮鳴絃皎皎明月光苦憶嘗纏繆恩情  
恨不久韶華無盡年忍作待嫁衣甘爲他人妍君故未  
相知妾意殊不然有聲當徹天有淚當徹泉待醒深閨  
裏風光寧久懸

### 王行儉

一首

行儉字質行宜興人崇禎丁丑進士授南京戶  
部主事歷郎中出知荊州府改重慶甲申六月

### 明詩綜卷七十一

十七

### 死寇難

詩話張獻忠奪佛圖關用火具攻重慶時漢中已破瑞王來奔關南道  
陳繹及隴右士大夫挈家從之城既陷賊停巡撫陳士奇知巴縣事王  
錫暨太守王公縛之演武場將殺之俄而雷電晦冥獻忠對天詭曰我  
殺人與天何涉架飛礮向天齊擊之既霽諸公皆遇害事載婁東沈荀  
蔚蜀難紀略

### 軍中口號寄諸弟

重關烽火陣雲寒回首鄉園道路難  
忽憶高堂清淚落還將尺素報平安

### 沈雲祚

一首

雲祚字予凌太倉人崇禎庚辰進士除華陽知  
縣甲申死寇難有侶郊居存橐

### 塗中悼亡

一水東歸百里津每逢風雨便傷神而今帷帳辭秦淑  
誰憶江邊行路人

尹伸三首

伸字子求宜賓人萬曆戊戌進士授承天推官  
入為兵部主事歷員外郎中出知西安府致仕  
起補陝西按察副使歷河南左布政使尋遷太  
嘗卿張獻忠陷成都被執罵賊見殺

得黔報寄示兩子

仕宦通黔籍時比於放流頃者因戎馬及名才見收我  
昨權出處曾慮當見投未即獲奔林已同鷹在韝衰年  
履瘴鄉病軀親戈矛中子不樂聞况使老妻憂惟余性  
頗達死生同一漚炙額兼噴鼻壯夫昔所羞苟能了二  
觀未必無一籌世法今頗解勉師老氏柔冠軍當辦戰  
都護或深謀聲靈仗英主小醜何足劉虔勤奉簡書功  
利不敢求畸人儻天幸為我營菟裘

敘南曲二首

七星歷歷面烟鬢千佛巖頭翠岫班水合雙江波浪闊  
浮來塢影是東山

鎖江北渡入涪溪亂石叢篁路欲迷太史遺文殘碣上  
武侯荒廟夕陽西

孫士美一首

士美字公粲松江華亭人天啓辛酉舉人知深

州事崇禎戊寅十一月州城被圍力盡死于官  
一門殉難者十有三人事聞贈太僕寺卿

守城作

鐵騎繞孤城烽煙勢未平君親本至性南北總關情地  
下難熏鼠原頭絕救兵一作此日魚書急何時鷓鴣喚清寄言青史筆莫載罪

臣名

王佐聖 一首

佐聖字克仲一字魯生長洲人萬曆壬子舉人  
除知遵義縣事崇禎壬午城破死于難有緘菴

詩鈔

詩話明季用人專拘資格吏部除目乙科多投之遠方如張公季修王公克仲劉公而強馮公稷公殉節皆最烈豈惟千佛名經中人始可入

明詩綜卷七十一

九

顯忠錄耶

幽蘭篇送黃子羽應召入京

芳蘭生空谷託根何孤清恥與羣卉伍修然挺素莖日  
月沐秀華雨露滋芳英一朝辭中阿以之植蓬瀛風姿  
益娟妙紉佩當瑤瓊允矣王者香不隨蕭艾榮

蘇

瓊 一首

瓊字赤友石埭人崇禎甲戌進士除知景州移  
瀘州張獻忠寇蜀死于難有青城先生詩略

淮陰釣臺

駐馬淮陰道王孫劇可憐已無諸母漂猶剩一臺偏試  
問藏弓日何如把釣年我來倍惆悵片石立寒煙

吳爾璫

四首

爾璫字介子崇德人崇禎癸未進士改庶吉士  
李自成陷京師從賊中脫歸依史可法軍死揚  
州之難有滋蘭堂初集聶許堂遺草

詩話先生聞道潛行依史閣部軍中以身許國遇鄉人祝孝廉淵南還  
斷一指裏家書中遺其親誓未空返卒死於兵乎居曾撰死臣傳目曰  
仁者傳有小序各繫以古人曰湛身曰焚曰炮烙曰自到曰不食  
曰閉口曰雄經曰扼吭曰立槁曰沒陣曰觸曰墜曰鴛曰烹曰菹醢曰  
轢曰斬曰車裂曰磔曰鋸曰囊擗曰剝曰拉曰杖曰笞曰錘擊曰  
刺曰錐曰凍曰疽發背曰擗哭統論之曰諸死者或假手於人或憤激  
自裁或罵賊畢命身死主寤者有之身死敵懼者有之身死家破者有  
之身死名榮者有之要與禽鳥視者遠矣其曰被甲甲揅吳戈白  
雄騰天河驚廣野相愛感志之決頭匪恤我心赤我血碧長城雖壞白  
紅費日則先生自道也先生之死有故人殮其尸而寄棺於佛寺寺殿  
於兵火棺亦燬焉其家函所寄指誓之四  
明葛編修世振入之昭忠錄并銘其墓

我行其野

三章

明詩餘卷十一

三

我行其野石田嶙峋荒原黯澹夏不見人黃埃接天有  
狐伉伉陰風吹車慮掣其輪

相彼征駒尚求果腹嗟我人斯終朝無祿螟螣之生不  
遺荏粟哀哉鷹戶載行載哭

我丁匪辰紛此百罹寇訐于郊僉曰撫之惟愼人是咨  
俾大璫是司我行其野告哀以詩

秋風辭

秋風颯颯兮切素肌華林摧謝兮蛩螢啼綺席陳兮清  
歌闌美人去兮何當還羽蓋飛兮龍媒乘發激楚兮節  
韶鳴采三秀兮餐玉英思緜邈兮遐征歲華荏苒兮何  
時平

明詩綜卷七十二

明詩綜卷七十二

主

卷七十二

明詩綜卷七十二

杭州圖書館

明詩綜卷七十二

明詩綜卷七十二

明詩綜卷七十三

小長蘆 朱彝尊 錄

淮陰 楊開沅 緝評

黃端伯 五首

端伯字元公建昌新城人崇禎戊辰進士除寧波推官改杭州歷禮部郎中南京既下死于市

有瑤光閣集

靜志居詩話元公近體瀏亮雖注意逃禪都無疏宕之氣絕命辭云欲識分身處刀山是道場靈運可以作佛矣

從軍行 二首

萬里長城北蕭條白草荒風沙吹不去秋色正茫茫日冷行空壘天低壓戰場別來一回首何處是家鄉

明詩綜卷七十三

一

遼落蕭關外陰風萬馬肥至今勞北顧何敢念東歸列戍傳金柝寒沙卧鐵衣戰場春不到白雪作花飛

山陰道中

夙昔流鶻地回溪曲曲盤遙憐沙月迥漸覺海天寬暮色橫烟暝春陰閣雨寒自耽泉石趣無夢到長安

建德道中

青天霜氣迴匹馬立平沙遠道風千里寒城月萬家亂山盤徑險深樹引堤斜夙昔悲秋意偏於作客賒

夜泊龍湖登仙居閣

閣夜鳴風迅江天度月寒石林幽獨到沙路暝相看倒樹斜懸壁驚濤急下灘長懷仙境勝便欲棄儒官

徐沂一首

沂字九一長洲人崇禎戊辰進士改庶吉士授  
簡討歷贊善諭德庶子升少詹事家居投水死

三月十九日

珍饌精鏐賜講筵每逢令節主恩偏十章書未陳金鑑  
九逝魂猶戀細旃社稷風雲誰奏曲園陵霜露已經年  
龍髯回睇橋山遠玉匣珠襦不忍傳

顧咸建一首

咸建字漢石崑山人崇禎癸未進士除錢塘知  
縣死于官

詠落葉

明詩綜卷十三

二

杖策滄江思不禁乍逢搖落一驚心迎風野鳥當枝坐  
泣雨寒蛩抱葉吟埽徑空餘千樹曉卷簾獨對萬峰陰  
幽居一夜聽蕭瑟片片隨流不到林

陸培一首

培字鯤庭仁和人崇禎庚辰進士除行人家居

死難

詩話大行風概自持平蹈桐陽之節曩與陳公朱明以文社不相能大  
行既就義陳公亦赴越江以死曰吾生何面目見鯤庭於地下今兩公  
並祀忠烈祠

絕命詩

誰謂朝廷一命輕行人使節本皇明春秋官敘諸侯上  
周禮班從司馬名雍國尚慙收采石荆胥無計泣秦兵

蕩陰徒有前衣血烈帝孤臣恨未平

祁彪佳 一首

彪佳字幼文紹興山陰人天啓壬戌進士除興化府推官選授福建道御史巡按蘇松改南京畿道以大理寺丞轉巡撫應天都御史謝病歸

乙酉閏月自投寓園池中死

詩話祁公美風采夫人商亦有令儀園門唱隨鄉黨有金童玉女之目其司理莆陽也處閩人語近休離預遣入潛往買一鹿婢詢其鄉音及升廳事胥吏多操土語侮公公伴不知決旬後按籍遍召在官人至一聲其罪衆驚以為神迨入各爲臺諫即進封事略云凡文武內外大小諸臣必使之安其位而後各盡其心邇來六卿九列之長詰責時聞引罪日見因而周章急遽較過不遑竊恐當事諸臣悚於嚴旨冀以迎合揣摩善保名位臣所慮於大臣者此也人材中下參半藉上感發其忠義鼓舞以功名今司道有司或欽案之累由人或錢穀之輸未足降級住俸什居二三必至苟且支吾急功赴名之心不勝其極罪戾之念臣所慮於羣臣者此也陛下聞鼓擊而思將帥之臣儻得真英雄即推

明詩綜卷七十三

三

載設壇夫豈爲過一或糞拔之術未盡則冒濫之實將萌臣所慮於武臣者此也陛下深懲情竅特遣內臣撫按之事多令監視正恐同罪同功反使互蒙互蔽開水火之端其患顯啓交結之漸其患深臣所慮於內臣者此也其言切中思陵時變故其後亡國卒由此數端云云嘗治別業于甯山極林壑之勝乙酉閏月六日坐園中題其案曰園功爲其別業身爲山極林壑之勝乙酉閏月六日坐園中題其案曰園功爲其書曰已治棺寄甯山戒珠寺可取以斂我是夜兄子鴻孫侍側夜分不寐公第曰君子之愛人也以德建鴻孫倦隱几步至放生榻下投水昧刃猶整巾帶立水中于理孫班孫養之園

豐登壯

爲愛農家樂莊居築圍場秧鍼霑雨足稻子過風香北郭依桑樹東泉接藕塘主人多種秫春酒足壺觴

劉宗周 二首

宗周字啓東紹興山陰人萬曆辛丑進士授行人遷禮部主事歷光祿寺丞尚寶少卿太僕少

卿引疾歸尋補右通政削籍起順天府尹再引  
疾歸起工部左侍郎以左都御史掌都察院事  
乙酉六月不食死有戰山詩集

詩話先生家居恒服藍花布衣大夫爭效之布爲長價吳江趙士諤知會稽縣事嘗問先生疾造榻前出而歎曰豈意今日得觀管幼安葛曆丁巳京察議及先生士諤時爲考功郎爭曰劉大行之清修人所不世此士諤之所觀見者乃止吾鄉吳大嘗嘉禧於天啓壬戌登第之前夢一隱者誦文信國山河破碎風漂絮身世浮沉兩打萍之句問其姓名曰劉宗周也太嘗不省時念臺先生以儀曹郎知貢舉相見驚弱其後交契歷聞甲申之變大嘗死之逾年先生里居絕粒旬有四日而終遺詩云信國不可爲偷生豈能久予嘗送先生廬堂不過十笏余兆干旌尚存思陵曾賜粉云蔬食菜羹三月不知肉味  
戲車贏馬廿年猶是書生先生當之信可無怍

### 出通州用友人韻

策蹇何所之遭時亦云厄一步一回首四郊營壘迫大道宜如矢青天萬古關從此遂已而身後令人惜

明詩綜卷七十三

四

### 酬別長安故人

弱柳千章鎖鳳樓春風送客不勝愁杜門重憶十年病  
束髮誰先天下憂銷鑠壯心吾自老傷徬岐路子何求  
却教空谷傳驪唱落日浮雲滿帝州

### 溫璜一首

璜初名以介字于石烏程人崇禎癸未進士除  
徽州府推官乙酉六月死于官有貞石堂集

詩話溫公少孤母陸孺人鞠之破屋一間無帷帳姑沈病且餓同坐臥一板箱種火煨粥以爲食教其子讀書姑卒孺人家毀如于天啓七年公請于有司開于朝詔旌其節孝又一十八年而公成進士年六十矣司李徽州聞國難恒引佩刀歎曰此身當付汝汝及城破先殺其女賈德次殺妻茅妻女皆延頸就死乃自刎公初名以介注名復社第一集不以死在相位見猶于清流後橋夢於于忠肅祠夢忠肅語之云子不當名以介宜更曰璜遂更高  
陸孺人著有家訓行於世

寄友

靈隱峰前手暫攜，千章新綠子規啼。眼邊流水春重到，別後停雲思幾迷。俯聽露珠傳點畫，驚聞藥裏急刀圭。殷勤簡付遺方法，茹澹安緣緩杖藜。

左懋第 一首

懋第字仲及萊陽人，崇禎辛未進士，除澄城知縣，選授戶科給事中，歷刑禮兵三科，升太嘗少卿，巡撫都御史，以兵部右侍郎兼都御史督師河北，充通問使，不屈，誅。

明詩綜卷七十一

五

呼此張叔夜絕吭處也。呼懋泰前責以不能死國，且曰：吾婦人身受國恩，不能草間偷活，寄語懋第勉之，勿以我爲念。言訖而死。蓋出都不食，已數日矣。是母是子，前史亦不多見。

道上

歸鴻昨夜過紅葉，見秋深念我籬邊菊。思君石上琴舍車，眺水色倚樹聽風音。舊業荒東海悠悠，此際心。

徐石麒

十五首

石麒字寶摩，青浦籍，嘉興人。天啓壬戌進士，除工部主事，削籍崇禎初，起補南禮部，尋改吏部。升南尚寶，卿應天府丞，歷吏部尚書，有可經堂。

集

詩話家宰歸田之日，築堂于郡櫺曰可經，人不解其故。及乙酉城被圍，公度必不能守，步自東門入城，破自經于堂。始信公之就義立志已久。

蓋與昔賢止水之意胸合焉公古今詩俱新整不作規  
撫蹈襲之語鍾嶸詩品以落花依草喻丘遲公實似之

### 贈同鄉朱六符

予本同圃蒿飄在天一端咫尺紛與梓邈若霄漢間翔  
鳥隄前林猛虎戀故山傷茲遠游客中夜積悲歎忽遇  
故鄉友驚喜相盤桓把臂問舊事耆舊半摧殘憂根長  
愁條淚下如奔湍樽酒非不旨安能起沉歡幸君到故  
園爲我傳平安

### 憩古墓作

郊游無名山荒丘且踏屣古木旣叢叢豐草亦靡靡隔  
葉隱幽禽清音啼不已石馬被文羈翁仲夾而侍不能  
驅牛羊朝暮齧其址此中陳死人井樽安足恃所以楊

王孫裸身無乃是

明詩歸卷七十三

六

### 送錢車駕左遷歸里

依依鍾山雲坦坦石城道驅車出龍關送我昔所好舟  
子且停橈聽我歌草草巧仕有別才置身青雲表夫子  
天下士紉佩祇蘭藻忽失上官意飛章注下考粲粲當  
塗子片言由意造散宜策獻姝季路曾請禱奈何堅弗  
應深文任顛倒平生久要者棄置迹如埽豈曰無蹇修  
洵美非吾寶長嘯歸去來形容枯槁君家錫山下門  
逕鬱羅萬雲乳發列泉雪花散香稻潔白養高堂此樂  
詎可討臨別重躊躇申言豁懷抱

謝劉太史湛陸惠詩

子曾過大梁臨風懷伊摯秉耒耕莘疇遽抱唐虞志一  
民不時雍內溝發深思此道久已陳夫子願躬試文行  
動至尊頭龍親簡置既窮太乙奇復發鴻寶秘早晚宜  
相麻天下乃得治麒也嵒窳人所受盈其器承乏白雲  
省爰書失聖意投荒分所宜而况僅播棄譬如壘碁者  
壘高勢自墜烽火滿近郊逐臣正遷次感君懷芍藥題  
扇以相遺奄然蓬蒿人儼若佩華璫此情何可酬此念  
何可寘頓令松柏心白首欲自刺

臨鏡

攬鏡照病顏不知鏡裏誰似鬼有微息似人無雙頤似  
容貌何似是我何其羸展轉不能視掩鏡還自悲頭顱  
今如此百年寧所期安仁三十二玄鬢已成絲而况三  
十三於潘更長之江南多早衰昔人已如茲假令彭與  
篋臨歿等殤兒夭壽何足異尼輪惟所宜昔人有明訓  
樂天復奚疑

苦寒行在句曲道上

天寒敝絮僵如鐵車輪乍轉車聲咽歷過千山萬山雲  
時飄三點五點雪皮膚縮毛髮張寒驢蹄滑愁道長  
暮烟一點青句曲鞭梢遙指此中宿

明月行懷王大基生

今年月是去年月去年人作今年別去年對月兩相將  
今年對月腸斷絕腸斷絕予起徬徨中庭重露如凝霜

綠錢盈階時草芳繁予懷予不能忘丈夫骭髒寧有淚  
已覺簌簌沾衣裳歲如馳予不我與望美人予天一方  
仰天歌予夜將旦明月黯黯予沉垂楊

曉發新州

江抱新州碧沙仍舊日黃難期晴雨色莫辨水雲光逆  
旅便風俗征人漸老蒼平生我任達久矣破行藏

次團江

下馬團風潏烏林舊戰場楚弓沙月白吳壘戍雲黃鑑  
影涵天遠襟流束地長江聲疑有恨如欲訴興亡

黃州晚泊

赤壁雲初暝烏林日漸紅波搖兩岸火人語隔江風夢

鶴捎天路然犀逼水宮天寒游子意清夜月明中

望匡廬

突兀此何處匡君廬亘天黛浮五老壁青入九江船慧  
遠林中寺康王谷口泉符生今已老誰與買山錢

過安慶

百戰舒州地英雄久寂寥尋陽懸暮色滄海落歸潮楚  
竹然魚子汀蘆宿雁寮金陵行且近不斷瑞烟飄

池口有懷

黃鶴池邊鶴金雞石上雞乘雲千載去落月幾回啼不  
見仙人跡空傳過客題蕭條暮江上腸斷楚天低

次蕪湖

倚櫂鳴茲邑山光雜水氣估檣蟠郭遠市語隔江聞烟  
氣凝爲霧歌風散入雲古來佳麗地無日不紛紛

夜發靜海抵直沽

禾黍高低弄夕曛檣燈零亂破黃昏樹蒸夜氣三分雨  
帆裏秋烟一葉雲靜海金鉦鳴古戍直沽牙閫駐新軍  
援遼已竭東南力何日辰韓報策勛

張翊一首

翊字叔韓秀水縣學生城破整巾欄南向正席  
坐兵以刃臨之罵不已遂遇害

鶴夢

百禽正嘈雜此鶴獨孤眠奮翮豈無俟藏神亦偶然庭

明詩綜卷七十三

九

中人寂寂松下月娟娟知入寥天去綠山何處邊

項嘉謨一首

嘉謨字向彤一字君禹秀水人有讀選堂詞賦

集譚梁生云向彤阮仲容弟幼輿一流詩篇都雅簡勝

詩話向彤投筆遠游渡河出塞尋入闕登武臣曹能始錄其詩入十二  
代詩選乙酉閏六月城破東平生所著詩賦于懷投天星湖死于翼妾  
張從焉向彤墨林之孫賦性儻蕩不羈中歲產落歲辛巳年飢糧絕從  
父以五斗米貽之妾張爲執爨知向彤不甘滯泊以二升米易乾魚進  
飯向彤衣曰乾魚豈可下箸邪復以米三升易炙雞乃飯于家與向彤  
鄰富婦進之以爲笑謂是君腹子弟粟果少年而視死如歸可敬也已

晚次蕪溪

人家遠見女牆頭客到城邊盡繫舟薄暮寒蟬聲未歇  
心隨楊柳送殘秋

錢應金三首

應金字而介一字仙上嘉興縣學生城破走村  
居游兵掠郊野見其髮未開剃遂見殺有古處  
堂集

詩話而介雖以詩詞  
名而今存者無幾

此閣贈周幼文

謾謾山上松磊磊澗中石託根非不深所貴在貞白白  
華志養親陟屺怨行役懷古徒悠悠瞻母時脈脈綺疏  
闌南楹抗言恣墳索曲鍼不受磁腐草不受珀冰霜歲  
云晏至理在琴冊

沈甫受蝶花居秋色詩

沈郎八詠世爭誇草色庭中不讓花秋氣逼人清入夢

夢騎蝴蝶到君家

明詩綜卷七十一

邗溝

烟荒月淡古邗溝淮水遙連江水流六代繁華餘腐草  
至今螢火照揚州

侯峒曾 二首

峒曾字豫瞻蘇州嘉定人天啓乙丑進士除南  
兵部主事調吏部歷郎中出爲江西提學副使  
轉廣東右參政調嘉湖道升順天府丞歷左通  
政使乙酉秋縣城破赴水死有**春州堂集**見香齋

詩話萊陽宋公繼登備兵嘉湖夜有白猿竊其衣冠服之擲鼓升廳事  
時海寧朱秀才疎留公幕中探入臥室披其帷秀才大慙公命隸卒環  
守而猿之往來如故也子童子日管諸昆弟行精嚴寺街人爭聚觀謂  
猿方坐鍾樓咬果子審視獨未之觀其後納言至止猿乃潛蹤又嘗熟

時敏如海寧縣事夜草爰書有女子侍側磨墨問從何來曰鬼也敏既  
擢給事中代之者侯官林塗鬼自是不復至侯公林今俱忠臣以此知  
邪不勝正  
理有然者

### 晚行餘杭山中

解鞍一散步羣峰亂將夕浮嵐曩遙青喬柯拂深碧須  
臾落霞散銀紫紛狼籍尋蹊得絕澗驚深互歎射有如  
翠蛟舞飛下三千尺一步一回顧已覺耳目易此景宜  
急追一失難再獲

### 送表弟楊維斗解元上公車

赴隴徵書有曠恩仍偕計吏謁金門時危漸覺科名薄  
道在還知禮樂尊老子甲兵今孰仗嗣宗臧否不輕論  
冰霜歲晚孤征夜襍被應知手綫溫

明詩綜卷十三

十一

侯玄演

二首

### 玄演字幾道通政峒曾子

### 雜詩

道喪向千載百家日浸淫如彼錚聲歇逐響遺其音元  
宰何微茫悠悠費追尋世皆尚彫飾未敢明此心微言  
會將絕太息空撫襟

### 和新柳詞

秦淮雪凜緩春晴十里烟堤綠未明早是酒旗歌板地  
隔江風浪卷蕪城

侯玄潔

二首

### 玄潔字雲俱亦通政峒曾子

癸未九日寓崑山

肺病經三月秋深寄古祠近山寒更早多雨菊翻遲漸  
減文章樂能忘寇盜悲今朝無客至令節竟誰知

示智含

天王十五年來事孤客三千里外人望闕尚留年少哭  
哀時偏見異鄉春坐愁南郡征輸日行過江黃戰伐塵  
直北大荒空草木春風生事又黃巾

黃淳耀

十二首

淳耀初名金耀字蘊生蘇州嘉定人崇禎癸未  
進士乙酉家居城破自縊有陶菴詩集

明詩綜卷七十三

十二

詩話陶菴精於書義融會九經諸史審擇而出之當崇禎之季方以聯  
兩相尚不知者以爲陳言子叔父帝園先生獨賞心擊節盡以其豪授  
子讀之久之而漸有樞焉者如雅頌得所樂有堂上堂下之分又孔子  
未嘗刪詩伯蘇未嘗誅死皆至當之論乃邇來選家以其未盡合乎朱  
子之集注章句痛加塗抹是何異於下士之閤道  
乎詩亦堅厚無矯響由不惑於楚人之咻然也

和陶飲酒

朝光入山樓棲鳥已驚喧攬裘暴新陽暖氣無頗偏仰  
視天宇清得我檐前山山中出岫雲變滅何時還我心  
正惆悵默與風鈴言

和癸卯歲始春

舊穀滿場圃知子良非貧糟牀注春醪酬汝四體勤開  
軒一笑粲莫適爲主人薜牙花乳香鱸縷銀絲新咄嗟  
行酒炙童僕皆欣欣中原有格鬪行子勞問津不能濟  
時代甘與農圃鄰逝辭謝景夷來就劉遺民

和乙巳歲三月

西庵有佳花首春烟霧積良游阻塵鞅耿耿懷在昔野  
寺流晨鐘雲林矯風翻湖山光皎鏡千里如不隔之子  
天機深平吟謝形役一持金石韻如與清賞易幽悰方  
惛劬况復暫離析寄言山中人參取庭前柏

和歸田園居

家無環堵官所至思買山何異俟河清人壽期千年安  
得如古人采山復臨淵敬受十賚文賚以北阪田巖棲  
高百層老屋餘三間湖江流東西竹木榮後前中央置  
講堂文史浩如烟歌風復蹈雅樂志忘華顯此意恐蹉  
跎飛光去閑閑晝餅不可食談諧聊復然

明詩餘卷七十一

三十一

和擬古

三首

亭亭采桑女清光映城隅羅衣出織手皎若春萸舒芳  
風何飄飄薄暮歸重廬行子皆歎息願言與之居空簾  
隔星漢白露委薜蘿蕪湖意不可道蹇修定何如

步上姑胥臺悲風來大荒古墳何嶢嶢下有黃金堂寶  
衣化寒灰月露浩茫茫前朝割據時復作繁華場侯王  
及廝役聚斂歸北邙感此拔劍舞青山爲低昂秉燭方  
視夜歎忽明東方我非好名人亦起羊公傷

弱年見承平自謂長如茲一從更事來世已非前時雕  
虎橫井陘黃流混滷淄杖劍出門去行行復狐疑路逢  
季主儔問彼龜策辭龜策不我告龜勉自研思仁義心

所安皇天吾不欺瀉水置平地東西任所之撫琴操倚  
蘭亂之以倦詩

野人 二首

野人歎息年歲惡池中掘井并底涸飛蝗引子來蔽天  
辛苦將身事田作朝廷加派時時有哭訴官司但搖手  
歸逢吏胥狹路邊軟裘快馬行索錢

野人歎息朝無人朝中朋黨如魚鱗十官名對九官默  
篋中腰下皆黃銀不知何人理陰陽頻年日食四海荒  
我欲上書詆朝士又恐人呼妄男子

虞山喫虎肉作

猛虎入山山氣惡腥風倒射巖石落兩三邨毗不識虎

謂是旄牛未生角扼虎之吭孽虎尾虎驚不及施牙皆  
東海無煩赤刀制南山已報白額死老夫羈旅春盤空  
短衣匹馬行山中坐分羹臠飽欲死拔劍四顧吾何功  
邨毗邨毗莫倉卒儒冠為爾頻衝髮人間真有猛於虎  
勸爾拔身辭虎窟

次韻酬別張子石

百丈牽江一線平勞君客裏念歸程即看去住誰能料  
可是分離莫漫輕白鳥背飛星子驛朱旗遙颭石頭城  
船牕日把詩篇坐香草含風處處生

張貞白有離世之志作別廬舍詩見示余及其意  
留之

瓜廬小結在塘坳城市脩然即遠郊谷爲愚公寧避辱  
亭因楊子不辭嘲鳴蜩秋盡猶緣砌舞燕春深亦認巢  
莫愛雲松棲絕壁山中依舊要誅茅

龔用圓 一首

用圓字智淵蘇州嘉定人天啓辛酉舉人嘉興

儒學教諭

侯雍瞻云先生司鐸嘉禾先伯兄方應備兵之命擢攝郡司馬事寇盜屏息迨聞南都不守挂冠歸里城彼兄

弟赴水家人入城蹤跡之於大柳樹下有二尸相抱持其一肘間懷印則先生兄弟也邈哉先生千古爲烈矣 顧端木云嚶城既破龔博士智淵與兄用廣弟用厚猶子元詔元朋元增及閩閩殉節者五人先生苦心學殖篇章頗富惜散佚不傳

湖上遇同年朱子暇

一見相攜話舊遊湖光汎汎斷橋頭寒烟迷却西泠路

還向當墟問酒樓

明詩綜卷十三

十五

馬元調 一首

元調字巽父上海儒學生僑居嘉定人稱簡堂

先生

從師遊棲霞寺

吾昔遊棲霞同人催北渡未識山中僧那辨山下路巖  
澗迷東西欲記恒恐誤先生理舊游小子愜所慕

黃毓祺 二首

毓祺字介子江陰學生有大愚老人遺集

画竹引贈朱白民

長風從天來吹我魂飛飛飛上謁天帝扉天帝問我  
何所欲不願爲人願爲竹帝笑黃生無乃太癡竹有何

好而爾願之我不願截為竿大魚小魚慘不歡我不願  
截為杖化龍君山之湖上我不願截為簫鳳子鳳子不  
可招我亦不願娥皇女英哀哀攀我泣重瞳馭遙叫不  
得朱白民朱白民願伊為我一寫真貌我形似兼精神  
所以願為竹不願復為人

不寐憶元兄南行

暗風吹雨夜蕭森布被繩牀冷不禁老別匪徒三日惡  
淡交奚止十年深案頭飢鼠縱橫出階下寒蛩斷續吟  
遙憶孤舟蘆荻岸有誰同我此時心

夏允彝二首

允彝字彞仲號瑗永嘉善籍松江華亭人崇禎

丁丑進士除長樂知縣以吏部行取補考功主

事旋歸里乙酉南京下自投池水死

詩話彙杜六子瑗公以樂義見長詩非專尚然其擢長樂志境有孝子  
節婦必賦詩以瑗之集中樂府未嘗不合古人也野史連瑗公授命在  
乙酉五月第集有練川五哀詩按練川城濳乃是年七  
月五日瑗公尚存則止水之投當是松江失守之日爾

襄陽踏銅鞮

辛苦襄陽女織縑還織素縑成身上衣素作風帆布

黃進士淳耀哀詩

黃子不偶生大雅寡諧俗羽儀乍高翥結綬匪所欲黃  
雲暗蒼梧北風號大陸烽火滿吳關下邑勢彌蹙緬彼  
二三子登陴自躑躅城郢旣已乖號秦又誰告處死良  
獨難苟生何能淑吁嗟烈士心伯仲互相勗威鳳旣在

羅恥與凡禽逐未知沒者悲但見存者辱存沒兩茫茫  
思君不可贖

睦明永一首

明永字嵩年丹陽人崇禎壬午舉人選授華亭  
儒學教諭乙酉八月三日松江城破自經不死  
投泮水被執不屈見殺有世經堂彙

臨江觀古意

即今懷  
關樓

煬帝飛樓屈紫霄檻拍長江接海潮三千殿脚南巡汴  
百萬舟師東下遼晉陽戈甲從天起仁壽宮中泉作醴  
檻外楊花依舊飛千里桑田隔江水

顧咸受一首

明詩綜卷十三

七

咸受字幼疏崑山人天啓甲子舉人縣城破死  
于難

落葉

天半淒清鴈字斜箇人無賴小牕紗三分秋色三分雨  
半似霜容半似花忽送離愁迷曲徑暗隨幽夢度平沙  
無情最是堪腸斷不爲蕭條惜物華

梁于涖

一首

于涖字飲光江都人崇禎癸未進士除萬安知

縣陣沒

竹西亭

茱萸灣水渙渙上有孤亭峙高岸而今冷落荒烟斷遊

人不來蒼鼠竄問竹西人不辨惟有隴上舊耕夫五十年前說曾見

麻三衡

二首

三衡字孟璿宣城人選貢生屯師姑山兵潰被執死于市

詩話孟璿注名復社遠賦無衣陳安未先生還復璿已得死所詩如落日臨荒野亡猿懷故林魂銷分鈎口心折覆巢時豆闌新寒入江卽落雁多一身去鄉土雙淚滿滄洲吳兒望歲唯呼雨楚客憂生盡憶家終同塞上雙流浪家在淮南獨倚樓萬山茅屋白雲滿十里白溪紅葉飛殊自起

趙明朗

贈錢聖月

不寐成搔首蕭然獨寤歌霜天砧響急庭樹雨聲多酒力三更緩愁心萬緒過錢郎戀明主獻賦意如何

明詩綜卷七十一

大

春興

二月新雨歇春流始到門叢筠連晝暝新燕掠波翻山靜鹿無迹林香風滿園中原多轉戰幾處欲招魂

沈壽堯

一首

壽堯字景山宣城縣學生死于難

即事

幽棲如久客日暮起啼烏橘實寒猶在梅花凍欲無聞鐘山寺遠聽雪夜燈孤賴有牀頭酒長吟可不沽

王養正

一首

養正字聖功泗州人崇禎戊辰進士除海鹽知縣以憂歸補秀水謫河南按察司簡較升襄陽

推官入爲刑部主事歷員外郎出知南康府遷  
江西按察副使建昌旣下繫至武昌遇害有漫  
吟等集

對菊

仙人授錦囊中有百年草本是駐顏丹人間不知寶

金聲一首

聲字子駿嘉魚籍休寧人崇禎戊辰進士改庶  
吉士以山東道御史參軍務升山東按察僉事  
復起修撰有集

送雲莊師至吳門

斯文未墜地夫子獨栖遲論易眞傳在從先與俗移片

雲常自遠孤鶴去何之別後時相憶雲山不可知

吳應箕

六百

應箕字次尾貴池人縣學生乙酉死于難有樓

山堂前後集

張爾公云樓山人文似陳龍川詩  
旨類屈正則可以飛擊霜泣鬼神

詩話先生羅九經二十一史于胸中洞悉古今與亡順逆之迹當崇禎  
中預慮燕都之必不能守聞者皆笑其迂而先生持論侃侃不阿也名  
雖不登朝籍而人材之邪正國事之得失瞭如指掌撰有蓋朝志節傳  
二卷兩朝剝復錄十卷留都見聞錄三卷東林本末六卷續觴不觴錄  
二卷其書或傳或不傳覽者可以當龜鑑矣分宜張爾公稱先生人文  
似陳同甫是誠知言聞先生授命處血迹至今猶存洗之不去長弘稽  
給而後不  
多得也

歡聞曲

歡欲聞儂歌儂意忽不樂寧使歌未終不忍歡淚落

練鄉勇

舊營非無兵府亦役健壯何如更選士不戰使敵創我  
聞逐賊師老弱置轉餉馳騁梁楚交賊來不敢抗過掠  
虐貧民氣驕陵主將官兵終驛騷鄉勇新跌宕古人驅  
市人披靡隨所向今匪素拊循信以死長上里胥日催  
督閭閻相耀誑兵怒不可迺塗膏飭資仗區區賦幾何  
歲亦五千兩

悼吳門文相國

相國信公喬大庭遭遇同金閨十五載凜冽標清風一  
朝遭爰立身通道反窮時方工謠詠安能久置公去國  
懷明聖憂心日忡忡黯淡吳閫邑淒涼象緯中斯人不  
可作世已摧華嵩

何以

明詩綜卷十三

三

何以使兵消莫如加派輟何以使賊平莫如官兵撤不  
見十年來請兵日不絕兵多賊亦多未見一賊滅賊去  
兵肆掠賊來兵不截撫軍飭啞聾鎮帥類聾躄塘報習  
爲欺上下徒牽掣終年庚癸呼竭盡民膏血我皇至神  
武羣臣亦憂愒事勢久凌遲相戒有卷舌雖我懷區區  
天遠何能說

蘇州行

鱗諸要離死已久墓旁宿草兼衰柳斯民三代直道存  
肯使端人界虎口諸生大哭軍門前百姓呼號奮徒手  
須臾緹騎鳥獸奔天子之詔吾何有爾時官長汗浹背

縲臣夜半單舸走民間訛言屠一城聖人憫亂殲渠首  
嗚呼天下幾蘇州藁葬五人名不朽

耕田苦

耕田苦耕田苦插秧三月今無雨吳中水利半人工十  
里九見翻車舞一車灌田畝二三一車用力人六五水  
田高下不相及置車銜接凡數部盡日戽水水盈寸南  
風復吹作乾土戮力安知晝還夜赤體相對子與父下  
濕上炎背欲裂前呼後和聲邪許東南歲輸四百萬那  
知粒粒出脛股桔槔幸有古人師不然滿原成薄鹵嗚  
呼耕田之苦難比數有苦不聞動官府中原鉏耰化爲  
兵下邑催徵尚如虎

胡甲桂

一首

明詩綜卷七十一

十一

甲桂字秋卿崑山人崇禎己卯副榜除南昌通  
判遷永州同知以道梗未赴改廣信城破被執  
不屈幽之別所自經死

夜泊常山

淙淙灘響上舟遲到面山容未即移更喜月明迎短檝  
吳吟細聽隔船詞

祝

淵 二首

淵字開美海寧人崇禎癸酉舉人有月隱先生

遺粟

詩話崇禎壬午先生伏闕申救劉公宗周時未識劉公也及公罷歸始  
著錄稱弟子附舟南還已而縲騎連入詔獄寇逼京師有詔赦出者城

陷太嘗卿吳公麟徵殉之先生視含殮護其喪歸塗遇吳吉士爾壙斷  
一指寄其家先生為攜歸留都既下先生葬其母尋自經死會劉公純  
粒公弟子王鏡書自投柳橋下遺書于公謂慎  
無為王炎午所笑師弟之死蓋不出三句也

西湖月夜 二首

落月鱗鱗水面浮  
露華濃滴桂叢秋  
不知何處鳴柔櫓  
驚起一雙雪色鷗

佛火漁燈漸寂寥  
推篷起坐已中宵  
夜來極浦灘聲急  
知入西泠第幾橋

李待問 一首

待問字存我  
松江華亭人  
崇禎癸未進士  
乙酉八月保松江城中流矢死

卧子招飲卧龍山蓬萊閣

故人留牘少酒坐亦從容  
俯視湖一曲不知花幾重  
澄煙天鏡水哀壑  
禹陵松身在蓬萊閣  
千巖第一峰

明詩綜卷七十三

◎ 杭州圖書館

杭州圖書館